



屈翁山詩集卷第五

鴛水徐肇元掄三選

徐起元瀛奇

七言律詩

塞上逢李武曾

相逢一醉白登鄉  
岐路蒼茫恨夕陽  
塞北離愁隨地滿  
江南歸夢繞天長  
高堂望斷陰山月  
班馬嘶殘子夜霜  
明日黃雲千里隔  
故人那得共靈觴

望雲州

西望雲州但夕陽  
漢家何處有金湯  
二年馬首迷春草

卷五

七言律

八月龍沙怨早霜  
夢逐黃河塞盡愁  
隨鴻雁入關長  
平生壯志成蕭瑟  
空復哀歌弔戰場

題鷄鳴驛

馬飲洋河春水肥  
鷄鳴山驛曉霞飛  
漢皇宣府餘歌管  
遼后花園滿翠微  
紅草溝邊朝會獵  
鴛鴦泊上暮開圍  
愁來不飲燕姬酒  
清淚將同露濕衣

春日代州郊外作

青山一路帶滹沱  
復有垂楊拂玉珂  
調馬正宜春草軟  
望鄉爭奈白雲多  
美人花裏揚鞭出  
上客林中射雉過  
相與晉王祠畔飲  
英雄往事一悲歌

送顧寧人

鴈門北接嘗山路爾去登臨勝槩多天上三關橫朔漠  
雲中八水會渾河飄零且覓藏書洞慷慨休聽出塞歌  
我欲金箱圖五嶽相從先向曲陽過

紫荆關道中送客

紫荆雄據飛狐口河繞長城去渺茫萬里悲風隨出塞  
三年明月照忠鄉平生亦抱昭君怨白首猶尋結客場  
愁絕春寒紛雨雪送行難得酒盃觴

諸公餞予玉河亭子賦別

御溝一片東西水相送扁舟去五湖天上若無娥月好

卷五

七言律詩

二

人間誰伴客星孤但同慈母餐芝草便是仙人隱玉壺  
燕市悲歌今已矣諸君好自作屠沽

杜曲謁杜子美先生祠

城南韋杜瀟川濱工部千秋廟貌新一代悲歌成國史  
二南風化在騷人少陵原上花含日皇子陂前鳥弄春  
樓契平生空自許誰知詞客有經綸

越中寄廬山無可大師

久辭慧遠溪邊月因戀夷光石上花  
夢裏時時聞瀑布曲中日日見朝霞  
觀空亦復憐天女服食無如採月華  
五老蒼蒼煙霧隔知君何處著袈裟

讀史

靈尤祭後霸圖雄一劍能成赤帝功龍起不會階尺土  
人歸何必在重瞳天邊星宿朝東井沛上旌旗捲大風  
此日留侯方寂寞咸陽王氣望無窮

將度梅關賦贈南雄朱叅軍

十載天南此謫居鴛湖歸興近何如官衙喜傍紅梅驛  
春野堪陪白鹿車自昔仙人多守令未應吾道在樵漁  
浮家我且臨京口相待金焦共著書

與柳子談淮陰侯事賦別李子

只今垂釣亦良圖漂母能知大丈夫一飯自應求婦女

卷五

七言律詩

三

千金誰肯易屠沽相逢歲暮果衣盡相送淮南濁酒無  
雨濕天陰揮手去可憐啼殺白頭烏

送人上華嶽

一石峩嵒成一嶽三峰窈窕入三門蓮花半壓仙人掌  
瀑布全傾玉女盆雲出金天皆白氣河通玉井是真源  
君行好上西玄洞拂我題詩舊墨痕

昭江春望代景子

黃皮袴褶已全收淚灑空山薺紫駟意氣不堪三戰盡  
功名難向一人求陰陰桑柘雞聲午渺渺雲山雁影秋  
歸去故園高臥好男兒豈必盡封侯

春山雨過翠微新，千嶂青青欲染人。芳艸漸侵樵路暗，  
落花初點野田勻。將歸海嶼嗟無計，已謝疆場幸有身。  
白髮媮慈知健否，三年望斷繡衣臣。

代景子將歸寄內之作

何事時來反息機，將軍難挽紫騮飛。多因戍婦啼紅粉，  
亦是山人愛白衣。士馬自分諸部去，簪纓誰惜一人歸。  
高堂此夕應同汝，夢見戎裝脫翠微。

送曹郡丞

蕭齋臥病日沉淪，知己潯江自少人。無路可歸黃木浦，  
有辭難乞白華身。一春風雨飄鄉夢，三載關山黯戰塵。  
樽酒不堪還送別，桃花和淚共沾巾。

卷五

七言律詩

四

浮湘作

洞庭何處但空天，湘口人家沒水烟。山色淡分秋雨外，  
濤聲寒落曉風前。蘭堂未得三閭返，瑤瑟難從二女傳。  
終古雲愁兼海惡，枝枝班竹似嬋娟。

和王不蕃幽居之作

一夕秋風老玉顏，無人但掩白雲關。臥當流水難成夢，  
行見梅花不欲還。禪寂定於征戰後，功名應在有無間。  
葛巾丰度開東漢，賴爾林泉一日閒。

吳門春日作

春光最愛闔城清  
婉吳音復有情  
一代風流餘屢響  
千秋怨毒是簫聲  
家家柳拂長天亂  
處處花含積雪明  
市井只今誰列土  
橋邊空識伯鸞名

橋西舊有伯鸞居  
四百飛橋盡不如  
泉石誰令高士在  
鶯花自是美人餘  
春聲只可聞臯氏  
簫曲那能到闔廬  
吳下繇來多俠烈  
疫行端不爲鱸魚

秣陵感懷

芝華采采未療饑  
南國飄零事事非  
烟雨又將春色去  
林泉那得白雲歸  
蕭疎素髮慚金鏡  
寂寞青溪弔玉奎  
貧賤每憂知己厭  
踟躕人外對斜暉

卷五

七言律詩

五

江風吹雨散陰寒  
多少鶯花不忍看  
地有三渠知太廢  
天留雙闕謂牛首  
作長安黃羊處  
處銜桃葉白鷺朝  
朝傍竹竿欲住秦淮  
偏未得高堂千里念游盤

舊京感懷

羽翼秋高未奮飛  
移家偏向帝王畿  
文章總爲先朝作  
涕淚私從舊內揮  
燕雀湖空芳艸長  
胭脂井滿落花肥  
城邊亦有陰山在  
怪得風沙暗翠微  
陰山在江寧縣西南  
內橋東去是長干  
馬上春人擁薄寒  
三月風光愁裏度  
六朝花柳夢中看  
江南哀後無詞賦  
塞北歸來有羽翰  
形勢砥餘杯土在  
鍾山何必更龍蟠

送甘健齋遊豫章

嗟君一別釣魚磯  
江左飄零道欲非  
有計且須還栗里  
無名何必學蒲衣  
高士傳  
鷹風塞上驚初起  
蟬露林間幸未歸  
令子聲音清老鳳  
芙蓉九疊拂雲飛

度梅嶺贈閩人

三度攜家此嶺頭  
關中秦越各歡愁  
無多骨肉貧猶別  
不盡關山老更遊  
玉枕山名  
頻同新婦夜  
紅梅已謝故人

謂華

秋平生蹤跡希  
梁孟欲把吳門作  
首丘

九日與客登潮泉山觀潮泉作有序

山在清溪驛東五里  
泉從石穴湧出聲如沸

卷五 七言律詩

六

雷泉大者為雄小者為雌  
一雄長則一雌消

日凡三長三消消則涓滴都絕  
若此地從無

泉水者唯秋冬間泉無消長  
乃有細水長流

寺僧謂此泉下應海潮然  
秋冬間海未嘗無

潮而泉顧不應之何耶  
湛文簡嘗稱為靈泉

有詩刻石今存

峽口千峰紫翠招  
維舟且復上烟霄  
山無旦暮含紅雨

泉有雌雄應海潮  
四座花飛爭上酒  
中流松臥忽成橋

幽尋正及登高節  
一路秋光逐雨燒

黃龍洞尋南漢天華宮故址在羅浮

英雄割據未全非。此日龍川霸氣微。輦路已隨秋草沒。  
歌塵猶作綵雲飛。美人何處還金殿。壯士當年盡錦衣。  
一自諸陵風雨後。空留杜宇怨斜暉。

留別南雄某別駕

別駕多才盡不如。南來初下白門車。六朝春色歸辭賦。  
五嶺梅花繞簿書。玩世堪爲濠上吏。浮家莫羨武陵漁。  
時予將往沅湘江南一片萋萋草。愁絕王孫失路餘。

壽東莞周丈

當年五老園中客。文采翩翩號石林。此日尋仙從地肺。  
知君觀易得天心。梅花亂點宜春酒。桂樹多棲構藥禽。

卷五 七言律詩

戶外羅浮峰四百。殷勤一日一峰吟。

疊滄舟中春望作

喬木村村是木棉。荔枝枝林裏出炊烟。山痕青入寒天遠。  
水氣黃含落日鮮。棹暮歸鷺宿鷺。孤齋春臥畏啼鶯。  
江山如此無人恨。歲歲花開獨怡然。

九日舟經清遠峽登高有作

登高何處踏蒼苔。繫舸軒轅燕子臺。三峽東西千嶂合。  
二禺南北一江開。松楸有淚流霜引。猿狖無聲落葉催。  
典盡寒衣當歲晏。蘆花難禦雪花來。

登高愁似送將歸。不落山空孤夕暉。紅葉有霜終日醉。

寄語江間漁父好白鷗無食向君飛

自滇陽至穗城江行有作

欲雨空濛翠益深秋光不逐夕陽沉虛無樹影迷烟棹  
幽咽猿聲和水琴石疊青螺全作髻峰抽碧玉半成簪  
谿訝洞口雲爭吐濕盡衣裘冷不禁

拂窗飛過一峰峰翠黛含烟落幾重崩石影搖三峽棧  
瀑泉聲亂半天鐘光分明月憐空水色染蒲霜愛紫茸  
更好秋光黃菊似屏風點綴錦雲濃

六月十五夕就樹軒玩月

卷五 七言律詩

八

未秋先已作秋光解爲炎天散早涼花外尚餘銀漢淺  
鏡中那有碧空長虛無玉笛風何處滴瀝羅衣露未央  
清絕郡齋林壑似庾公留客有胡牀

過梁餘仲池亭賦贈

池開盡養右軍鵝真草朝朝墨幾螺少日悔教團扇貴  
暮年知厭練裙多蟬吟未必無心甚龍聽其如有角何  
新作園林娛白首梅花一樹最婆娑

龍以角聽者  
近藪故云

讀荆軻傳作

置酒華陽曲未終美人奇馬玉盤中何須匕首勞神勇  
更使將軍作鬼雄一自悲風生易水千秋白日貫長虹

殷勤倘用荆卿將自可威加督亢東

田光鞠武總謀臣計失須臾欲劫秦豈有精靈歸匕首

空令哀怨斷龍唇蕭蕭風起衝冠髮颯颯雲吹首路塵

自此悲歌燕市絕屠沽無復報恩人

斷龍唇謂斬鼓琴笑人手也

讀書擊劍未蹉跎儒雅偏於慷慨多豈有先生非樂毅

何曾太子識荆軻燕風已起離騷賦楚調如追易水歌

壯士至今猶髮指寇讐長枕報秦戈

平生劍術未曾疎况是深沈解好書蓋聶相期知不可

離離同去意何如六王有恨惟銅柱一擲無成更副車

可惜漢家需佐命英雄未得少踟躕

卷五

七言律詩

九

多事田光苦殉名匆匆仗劍激荆卿英雄不肯言成敗

節俠何知有死生皆白衣冠持大斗盡衝毛髮上長纓

離觴未半驅車去風葉哀含變徵聲

雨後代泛亭望湖

雨過湖光飛滿城一亭含吐盡青冥浮沉半逐羅浮影

噴薄全開瀑布屏白鷺祗同漁父冷芙蓉多爲使君馨

荷錢買得鴛鴦否羨殺雙雙錦繡翎

明妃廟

明妃祠枕楚江沙萬壑群山夾道斜明月尚懸香水鏡

芙蓉早墮玉門笳羞同公主隨胡俗幸似閼氏在漢家

終古秭歸哀怨地杜鵑聲裏有琵琶  
紅顏亦可壯中華詔賜單于出內家爲漢自應高俎豆  
寧胡豈敢惜風沙香溪夜夜長無月紫塞年年始有花  
多少落梅悲糞土無情最是大胡笳

歸宗寺

幽居最愛歸宗寺勝甲江山水兼已有硯池  
逸少還餘醉石臥陶潛六朝烟霧含珠塔四壁風雷捲玉簾  
况是鸞溪春正煖飛花送酒舞前簷

燕臺秋日別繆天自之雁門

燕臺秋色晚來多一片邊鴻拂雨過雙闕芙蓉開疊嶂

卷五

七言律詩

十

九門榆柳落長河離人衣袂從軍淚小婦琵琶出塞歌  
况是黃雲千里蔽故園蕙艸總如何

早發大同作

雞鳴人起大同城笳鼓淒淒出塞聲青塚風高貂不煖  
白河霜滑馬難行髡鉗昔日圖成事溝壑今朝欲殉名  
枉歷三關征戰地無絲一奮曼胡纓

章臺

年來無淚灑干戈遊戲章臺日日過喜與佳人馳寶馬  
愁將壯士挽天河五陵日落牛羊亂三輔秋高鼓角多  
慷慨不知時命薄醉中梁父又悲歌

荆南歸興

牢落風塵一蒯緌荆南空上仲宣樓家貧豈是無長策  
親老那堪更遠遊巫峽啼猿驚旅夢洞庭飛雁引鄉愁  
英雄不是爲人子處處沙場作首丘

歸至江東東方丈爾止

今代文章在少微柴桑以後似君稀相逢洗藥青谿去  
正見銜魚白鳥飛爾向南朝作者舊予辭西嶽爲庭闈  
好將竹葉除華髮莫倚臺城送夕暉

逢日者周生賦

知子青囊有妙篇升沉一爲決皇天莊生未試屠龍技

卷五

七言律詩

七

蔡澤猶遲躍馬年湖上蟬聲催落照雨中草色染輕煙  
離情直與長江水送至梅花大庾邊

壽前刺史彭君

朝漢臺臨百奧雄蒼茫秋色似雲中紅旗晚閉三城日  
画角寒吹萬馬風太守聲華高武庫將軍禮數起文翁  
鏡歌爲爾千金壽醉倒天南紫菊叢

和劉六茹登華

天邊雙華鬱嵯峨萬仞丹梯挂女蘿太乙池中浮皎月  
仙人掌上瀉黃河心悲角里芝華少淚洒宗周麥秀多  
席捲三秦非此日留侯畫象已蹉跎

浩蕩松聲滿太虛  
凌峰一把羽人裾  
軒轅臺迴風飄笛  
玉女聰寒露滴書  
泰地山河明月在  
漢家宮闕白雲餘  
蘇耽未肯乘鸞鶴  
有母衡陽日倚闌

和人巫峽中望十二峰之作

十二峰橫彩翠長  
含情不忍上高唐  
朝雲終古疑神女  
暮雨何年惑楚王  
南國荒淫多夢寐  
騷人諷諫有辭章  
蘭蓀亦愛風流地  
莖葉青青不斷香

和李生與客上廬山之作

三疊泉門是玉川  
開當大月翠微邊  
老人五作奇峰立  
居士雙從醉石眠  
丐地松黃香滿帚  
穿苔竹笋小成鞭

卷五 七言律詩

七

樓窗面面吞彭蠡  
嘯落天風萬壑傳

舟經金利作

金利墟邊首夏時  
家家蠻布有蕉絲  
木棉花盡猶無葉  
榕樹根多復作枝  
西水正愁雙峽急  
東風莫使片帆遲  
鷓鴣本是催歸鳥  
啼遍春山人未知

斑竹

斑竹枝枝拂暮煙  
無情亦自淚痕鮮  
美人渺渺江雲外  
亡國萋萋野艸邊  
鬢散不須悲墮馬  
魂歸猶可化啼鵑  
東風莫卷飛花片  
留與愁人伴醉眠

江上新晴有作

青山雨過片雲餘水氣空濛望若虛蜂似亂流爭出峽  
地當西澗半成渠荔花多釀春州蜜榕子初肥滙口魚  
白鷺心閒真愧汝經營端爲古人書

靈山寺作

野寺何年闢翠微松門隱映在煙霏聲搖三峽雙鐘度  
勢截千峰一塔飛水長魚花隨電出山寒兔子得霜肥  
鳴雞夜半催潮上漁父相將一棹歸

歸舟賦贈柴子

風信東邊見破篷移舟深入蓼花叢雷聲隱隱黃霞外  
日色沉沉白雨中山水有情娛我老詩書無術救人窮  
疎狂莫作諸侯客鸚鵡才高命或同

雨後

雨後江湖鼓大波黃花魚比白花多魯門故截溪橋出  
漁艇時穿海市過灘灘已知無食好鷓鴣其奈不歸何  
離枝漸熟休狼籍釀酒持將養太和

送人自楚之蜀

江帆此去莫霑裳蘭杜多情爲爾香神女風流滿巫峽  
騷人湯沐在瀟湘東西漢水巴陵大朝暮猿聲白帝長  
辭賦最宜秋氣早不妨衰怨盞滄海

絕代名葩 惟下無香分螺黛十眉圖花中不辯來么鳳  
葉底多疑是綠珠羅袖淺將苔色染玉盤寒愛露華清  
姚黃莫卽愁爲裏青帝恩光此獨殊

蓮葉

東西南北總田田未作芙蓉已可憐魚戲不驚珠亂瀉  
人攀最愛月多圓湘纍木屋香誰以越女羅裙色未鮮  
玉漱金塘無闕處花開一一散相穿

東臯別業舊址

是陳文忠公遊衍之地

漁艇猶穿玉帶

橋名

迴花灣不見錦袍

灣名

開鷓夷有恨三

江湧杜宇無歸百鳥哀菰蘖

湖名

舊通浮嶽井蒲香今失

卷五 七言律詩

古

鶴舒臺雲涼亦是圍棋墅一代風流總艸萊

公有雲涼別業在白

雲山上

答張桐君見題三閩書院之作

書院在廣州城南

桐君何事別桐廬來問羅浮桂父居豈有仙人還好劍  
絲來高士不知書青樽但使秋常滿白髮從後日已疎  
身是湘纍憔悴種忍將詞賦送居諸

贈鄭山人入匡廬

九疊雲屏一玉筇天風吹汝上芙蓉三梁幾處成三石  
五老何年化五峰雨勢得殘猶落葉泉聲不斷亦聞鐘  
湖光盡入舍翻口月出偏宜紫翠重

石灘舟中眺望

東樵西望是南樵，四面芙蓉海上標。  
蜃氣春晴多作市，雞聲夜靜始催潮。  
離支十里雲嘗暖，瀑布三秋雪不消。  
紅翠相迎過洞口，尋仙且繫木蘭橈。

瀝湖舟泛

峰勢盤廻北斗同，瀝湖應與絳河通。  
蒲橈曲曲穿巖口，石乳泠泠滴鏡中。  
雁影尚留炎海雪，鶯聲不待落梅風。  
芙蓉只解窺漁父，蒼翠沾衣影似空。

珠江春泛作

珠水煙波接海長，春潮微帶落霞光。  
黃魚日作三江雨，

卷五

七言律詩

七

白鷺天留一片霜，洲愛琵琶風外語。  
沙憐茉莉月中香，斑枝况復紅無數。  
一棹依依此夕陽。  
琵琶洲在珠江之東，茉莉沙在珠江之西。

悼馬

與爾蒼梧數潰圍，艱難得逐大軍歸。  
金瘡乍合頻思戰，面角才吹便欲飛。  
三歲龍駒方早壯，兩年香稻亦偏肥。  
無端一蹶驍騰失，淚滴空鞍薜荔暉。

平湖逢馬培原給諫時給諫被沙門賊

平湖雨過白鷗飛，有客扁舟薄暮歸。  
明月漸圓居士泣，天花猶著比丘衣。  
湘纍夢寐通瑤圃，梅福封章隔紫微。

去國離家子亦久相逢蕭寺派同揮

菊

無多花蕊在籬東不食愁將苦蕙同  
朵朵霜乾猶抱蒂  
枝枝露濕已當叢  
秋來粟里多佳日  
歲晏陶公有素風  
天爲忘憂生此物  
摘來休使酒樽空

南村未有素心賢  
閉戶惟將醉石眠  
孤影甚思名酒勸  
白頭微得好花憐  
餐英一一兼寒葉  
飲露依依似暮蟬  
香入簞瓢霜氣早  
清齋不必露葵鮮

幾本蕭疎出艸間  
清霜染得淚痕斑  
猶嫌太白同衰鬢  
且喜微紅上老顏  
尺寸培根終歲苦  
東西乞種一身閒

卷五

七言律詩

六

乾來作枕圖明目  
細作眞書寫小山

衰年服餌最相宜  
甘苦惟應蕙苴知  
無酒易過重九日  
有花難及肅霜時  
香薰百艸誰能似  
根浸三泉更不移  
長與青青沅澧者  
春蘭終古一相思

芭蕉

孤心只在葉中央  
一夕抽開二尺長  
不雨寒聲猶滴瀝  
無風疎影已清涼  
全遮北郭芙蓉館  
半拂東鄰薜荔牆  
結就香牙甘美甚  
霜時割得一梳黃

菜

菘芥初生摘未稀  
窺園不及下書幃  
能知歲月惟青艸

解讀春秋有白衣子母三冬瓜蒂苦君臣一代蕨花肥  
枯槁亦是忘機者引得流泉下翠微

園蔬自種向西疇食肉無心作虎頭都尉牛羊終見辱  
野人葵藿未忘憂胡蔥大葉穿沙早越薤長莖出水秋  
未作老農先老圃荷鋤長得在羅浮

黃桑白柘繞蓬廬每恨場師我不如微菜春烹惟瓠葉  
小鮮秋薦但鱸魚牛羊影亂天將暝蟋蟀聲寒歲欲除  
閒學憲王圖本草贈人還有種蔥書

重至都虛觀作

石勢盤廻下翠微峰峰有瀑似煙霏參差古木穿松出

卷五

七言律詩

七

掩映寒花間葉飛白髮休教毛女笑黃冠好逐羽人歸  
仙壇歲久無香火欲掃莓苔恐濕衣

仙山鎮日白雲封磴道依稀四百重分去祇成雙瀑布  
合來元是一芙蓉臺邊月作麻姑鏡洞口風爲羽客鐘  
古觀無人華葉滿鹿麕行處有遺蹤

舟經晉康奉訪州使君有作

大小湘流繞訟庭使君日對數峰青西將錦石爲天柱  
北倚香山作玉屏白鹿春行蒲媼地嘉魚冬膾大中亭  
舟過欲識神明守未忍揚帆入杳冥

無才不敢恨長貧老大惟知與道親  
几杖高堂多古物  
衣冠中土有遺人  
碧梧早落過芳歲  
黃菊遲開及好春  
繞屋雲山無路入  
一家雞犬自先秦

奉和澹翁六叔父開春病起之作

花爲春寒未海棠  
猶餘梅過立春香  
憐翁身入新年健  
與我情同愛日長  
吟處自能空海嶽  
酒中那得有彭殤  
消除白髮詩篇在  
况有知音在草堂

五嶽歸來一艸廬  
依依桑梓未離居  
弟兄遺恨無三謝  
父子追歎有二疎  
石路乾時人引杖  
花窗靜處鳥窺書  
從來養壽惟芝艸  
綺皓何人便不如

卷五 七言律詩

七

四百羅浮在枕邊  
一年春向一峰眠  
夢爲蝴蝶元非我  
生作蜉蝣亦是仙  
服食儘多真日月  
經營終少幻山川  
逍遙見說須無待  
姑射神人本自然

獨酌

時丙寅春  
五十七歲

歲月無多歎逝川  
七旬更待十三年  
志憂却在難忘處  
學道還如未學前  
黃鳥竹間催獨酌  
白鷗花下伴閒眠  
藏書不少名山業  
兒女他時各一編

洪州喜遇京口宋君

滕王閣下繫扁舟  
尊酒相逢慰遠遊  
京口英雄能六博  
君卿意氣動諸侯  
烟生南浦漁帆隱  
雨過東湖雁影秋

一代只今高士少故知磨鏡自風流

季秋之五日承諸族父過賞菊梅分賦

未及重陽菊已披梅花數朶映霜姿頗將春色添秋色  
不惜寒枝作煖枝甘苦已教陶令識芬芳更與阮公期  
竹林相過須沉醉莫待登高倒接籬

閨怨

限一二三四五六七八九十百十  
萬雙半寸尺丈凡十八字並限韻

六七鴛鴦戲一溪愁人二十四橋西半天書斷三秋雁  
萬里心懸五夜雞蠶作百千絲已盡烏生八九子初齊  
丈人何處聽鳴瑟尺寸長垂雙玉啼

桃三李四已成溪六七花東入九西一尺髻高愁墮馬

卷五 七言律詩

七

五更衾冷怨鳴雞游絲百丈全難斷舞柳千條半欲齊  
十二雙邊無寸字鴛鴦都作萬行啼

二六巫蜂七十溪千迴萬轉八林西頰同半槁三花樹  
不及雙飛一錦雞四角盤中書易就九枝燈下影難齊  
春絲百丈牽方寸愁掩羅巾五尺啼

對水仙花題 湖中水仙花兼紫芝怪石

凌波看與宓妃同半在丹青半水中香氣分從冰練出  
清姿交映玉壺空先春著粉教如雪向夕生寒不待風  
最是芝華相伴好太湖石上一叢叢

花朝前二日小集澹翁園林觀落紅有作限塘

一夕花流滿曲塘半沾泥滓尚紅粧子鵲血灑朝煙濕

謂杜鵑花巫女魂飄暮雨香謂蜀茶已落祗堪賒下女未開猶

可待東皇啼鶯莫向尊前怨春事明朝定未央

望羅浮

大小麻姑雨過時白雲開處見春姿芙蓉影滿三千鏡

紫翠光生四百眉瀑布東西金滅沒石樓高下玉參差

當年坐臥青霞石亂長苔花不可知

東樵南望卽南樵蒼翠相連似不遙亂著峰眉深淺色

爭飛瀑布短長條曾從玉女窺明鏡亦上麻姑弄紫簫

卷五

七言律詩

五

多謝白雲情太甚飛來一片屢相要玉女麻姑皆峰名

永安紫金山眺望有作

繞縣芙蓉四面來紫金爲枕玉爲臺一樓西接雞冠出

三殿東連燕尾開風外二琴聲在水雲邊雙髻影當梅

夕陽蒼翠合煙火候月城頭一舉杯雞冠燕尾二嶂名二琴謂南北琴江

三殿雙髻皆峰名

水從丹嶂五江分流入秋鄉似白雲古渡鐵潭花漠漠

疎林火帶葉紛紛穿城汲影州中見隔嶺樵歌月下聞

繫馬樓前貪極目描眉峰好最思君鐵潭渡名火帶經名描眉峰名江有

五江在縣境

鍾山

高高雙蠟削屏風紫翠晴飛萬井中  
一白軒皇成寶閣  
遂開天闕作玄宮  
千秋龍虎歸真主  
六代烟花送狡童  
歲歲貂璫馳傳至  
櫻桃春薦思無窮

蒼蒼輦路但斜暉  
月出衣冠事已非  
六代松楸辭玉殿  
中峯陰雨見龍旂  
蠻奴小隊呼鷹過  
漢女春魂化燕歸  
多少哀笳吹不散  
五雲猶繞御床飛

沙河悵望

百二關山起太行  
鞏華宮樹曉蒼蒼  
諸陵水落沙河濶  
十口雲連碣石長  
士馬當年悲雨雪  
君臣此日怨參商

卷五 七言律詩

七

居庸欲度頻回首  
弓劍天邊白露涼

環天壽山有十口諸水皆迓陵橋以

入沙河

金山口恭謁天下大師墓

讓帝飄零海嶠東  
龍歸猶識未央宮  
風雷豈敢疑周旦  
禾黍何當怨狡童  
父老爭迎靈鷲錫  
山河如棄剽湖弓  
傷心陵墓無封樹  
秋艸離離白露中

平臺

在天壽東山口內一里成祖嘗駐蹕焉嘉靖十五年命作亭于上名曰聖蹟十七年四月駕幸平臺祀成祖于臺中

翠輦紅旗去不還  
平臺一片朔雲閒  
宮邊流水通諸口  
陵後黃花控二關  
俎豆中宮修漢臘  
松楸南國慘天顏

玉環何日歸廷尉流落龍沙戰血斑

宣府道中

花園北抵鴛鴦深一路闕氏在蹟多恒嶽白雲連上谷  
桑乾春水接洋河紫髯日市牛羊入紅粉時吹簾築過  
此度關山無內外漢時空費羽林戈

宣府平古

遼后宮臨鎮朔臺明君祠傍拂雲堆天寒鷹隼三關落  
日暮牛羊四野來幾日玉攀榆木返無邊毳帳上都開  
遼東一臂連宣府誰使寧王罷鎮回

大同作

卷五 七言律詩

五

飲馬東連白道泉桑乾西接紫河烟何年代邸淪秋草  
幾處秦城出遠天事去英雄羞一劍時來游俠喜三邊  
哀笳莫奏思鄉曲都尉臺前月正圓

塞上感懷

未有英雄羽化期茫茫一劍報恩遲天寒射獵龍沙苦  
日暮笙歌塞女悲太白秋高空入月黃河春煖又流澌  
鬢邊一片天山雪莫遣高樓少婦知

岔道

軍都下視居庸險北口高懸太乙軍一自中官迎白馬  
至今新鬼哭黃雲山連陰嶽當關合水抱榆河入塞分

城外風沙積二路雲州西去恨無尋

舜廟

虞帝時巡北嶽還翠華南駐雁門山千秋王殿臨邊起  
萬里龍髯出塞攀雪盡游沱穿大鹵雲生句注失寒關  
竹書多少龍魚恨空有皇英慘玉顏

重過易水

年年易水弔荆軻總奏平生變徵歌上谷悲風吹淚盡  
紫荊斜日傍愁多驂騑老去空知路鴻傷高飛亦受羅  
好向城西更沽酒英雄惟有玉顏酡

華山作

卷五 七言律詩

青天低插芙蓉亂白帝高臨落雁孤大乙西來朝紫翠  
首陽東走入虛無仙人博戲凌丹壑毛女槩聲隱玉壺  
萬古雲霄隨變化秦皇漢武莫能圖

望嶽

千里瀟湘帶嶽長芙蓉九面鬱相望五峯蒼翠連雲夢  
一水奔飛下石梁欲訪禹書登岫嘍兼觀海日出扶桑  
水簾洞裏通浮嶠便逐仙人返故鄉

嶽中水簾洞  
與羅浮通

朱鳥天邊配五峯湖湘倒映翠芙蓉白雲冉冉香爐出  
古洞陰陰玉簡封一氣衡陽生帝子十年南極見飛龍  
遺宮縹緲無尋處日暮空聞嶽麓鐘

長沙秋望

雨過星沙楚望開  
天邊王氣尚昭回  
蒼梧倘得重華返  
紫蓋應朝南嶽來  
父老謳歌思帝力  
君臣馳逐失龍媒  
茫茫秋水雲吞夢  
騷風空投二女臺

壽尹文

日出羅浮紫翠重  
芙蓉爭繞老人峯  
天囿四皓生芝艸  
漢石孤臣在赤松  
坐處花深靈壽几  
夢餘風過囉真鐘  
山公膝下能娛志  
春酒今朝沈澗濃

過某將軍北山草堂賦贈

英雄無命合知還  
欲作浮雲自有山  
身在不忘金勒馬

卷五

七言律詩

七

夢飛猶向玉門關  
橫行人望三軍出  
高卧天容一日閒  
落落長松風籟好  
吹人不使鬢毛斑

晴川閣作

峩峩川上兩飛樓  
樓下烟波一片愁  
大別中分江漢水  
金沙東接鳳凰洲  
騷人一去無芳艸  
帝子重來有古丘  
可惜湖南空轉戰  
三年不見漢時秋

黃雀樓

西上飛樓眺夕陽  
仙人黃鶴兩翹翔  
九江秋水連雲夢  
十里芳洲帶武昌  
詞賦自堪懸日月  
冠纓誰與濯沉湘  
三閭亦可爲漁父  
一棹烟波樂未央

漢日

啼冢東來漢水長  
二湖相夾似瀟湘  
陰陰楊柳雙堤合  
粵冉芙蓉萬井香  
古屋龍蛇趨夏后  
大江烟雨隔娥皇  
南雲北夢無窮路  
不待登高已斷腸

送人度梅嶺

天作長城五嶺間  
雄州繚繞萬重山  
越王舊治梅花國  
秦帝初開大庾關  
紅葉影中雙騎去  
白猿聲裏一人還  
乘時自有臺侯業  
莫使鄉愁上玉顏

東孔君

世事茫茫總苦辛  
肝腸空與孔融親  
天教魯國餘男子

卷五

七言律詩

五

代有湘纍是怨人  
鸞鳳自應栖枳棘  
驂騑那得絕風塵  
堪憐夜夜同明月  
相照愁心滿海濱

吳聞跽病有作

天山南畔對秋空  
此日金閨寂寞同  
蘇武飢寒甘嚼雪  
要離細小畏迎風  
思將爪髮爲神劍  
未有精誠與白虹  
蒲伏不妨長乞食  
霸王遺烈在吳中

楓葉蕭蕭掩市門  
秋光雖好易黃昏  
人憐白喜方同病  
帝命巫陽更予魂  
楊柳東西朱戶映  
芙蓉七十白波吞  
人間未有琅玕實  
飢風啾啾好自存

三秋蕭瑟虎丘西  
山鳥多情爲客啼  
季札悲愁新喪子

梁鴻清苦早同妻紅蓮稻美春應熟錦帶花多采不迷  
林屋洞邊風物好何時得共夏黃樓

逢商丘宋使君賦贈

相逢數數問門烟草蒼茫往跡存豈有渚沾藏魏市  
空餘詞賦在梁園千秋公子無賓客一代才人是弟昆  
意氣未傾愁已別微軀自此更何言

采石題太白祠

才人自古蛟龍得太白三開兩水仙詞賦已同雙日月  
精靈還作一山川江開絕壁丹青出木末飛樓俎豆懸

千載人稱詩聖好風流長在少陵前

朱紫陽嘗謂太白  
聖子詩祠上有亭

卷五 七言律詩

美

當翠螺山頂子

因題曰詩聖亭

牛渚西江月色新清光長見謫仙人詩多諷諫因天寶  
道在佯狂得季真金鉉已銷飛燕口錦袍空映鳳凰身  
垂輝不用多刪述天與英雄只老春

次燕子磯

半壁斜開紫翠圍中流橫作釣魚磯沙洲定爲真龍長  
鏡綆難迴燕子飛江北每傷當日棄南陽長恐故人非  
東流不盡興亡恨淚洒秋風一棹歸

新長沙洲抱磯長  
可二十餘里東磯

汴口不見洪流磯勢外向隔列古  
石外瀟不巨嘗以鎖綆緝繫之

贈水師某總戎

將軍南達海門牙幕府東臨若木花白馬潮來驚日月  
天雞聲起亂雲霞三城帶甲隨秋戍千里樓船奏暮笳  
早晚行人返桑梓沉香浦上託爲家

九星巖

星巖勝槩甲瀧東玉乳泠泠下碧空萬壑芙蓉生洞穴  
千林薜荔隱房櫳雲根氣作朝朝雨石角聲含夜夜風  
柔雀相隨宜此地振衣時上玉虛宮

巖有石窻吹之作角聲名石角

永安州道中作

蒙山蒙水古蒙州爛熳千年毒未收  
獐女盡能欺虎豹欄房一宇與豬牛  
畬田處處燒陰木水碓家家截上流

卷五 七言律詩

三

無限鷓鴣啼不斷未行先憶故鄉樓

自荔浦至平南長蘆雜居不可辨識

大抵屋居者民欄居者種欄以木架起如樓上以欄人下以柵羣畜名曰欄房亦曰高欄狃則不然自荔浦至平南多種人自壽陽至貴縣多狼人

黃雀樓

樓爲獻賊所焚今移故楚府敕書樓重建

巍巍猶是救書樓朱邸移來歷幾秋  
黃鶴不將仙客至白雲空爲楚王留  
三年士苦長沙戰萬里人含落日愁  
芳草莫重悲賦客江邊鸚鵡已無洲

天門山

秣陵門戶是天門雙峙天邊紫翠屯  
落日雲連牛渚隄  
中秋潮長小孤痕  
潮汛至大通而止惟元夕中秋可達小孤  
千年王氣從今

起薄里江聲至此吞南北自來爭采石開平功業與誰

倫采石有開平王廟

螺磯謁靈澤夫人廟夫人孫權之妹漢昭烈皇后也昭烈崩聞至自沉

磯螺

靈澤夫人死漢家何殊二女殉重華瑤姬一自辭巫峽  
精衛千年恨海涯國賊豈能分曆數天威猶自振袞斜  
永安哀詔鶯聞日飛淚應沾白帝花

一逐長江下楚雲翠華望斷淚沾裙少康興日因姚氏  
帝乙歸時是女君花落錦城先主憶月明瑤瑟逐臣聞  
徽稱不愧同昭烈終古螺磯享紫芬

卷五 七言律詩

白嶽

天

拔地香爐是一峯長雲繚繞帝城重千年楠樹青霄出  
百尺龍牀碧巖封巖岫影連天子郭風泉聲亂羽人鐘  
天門久坐飛花上鸞雀紛紛不可從嶽頂玄帝殿有額曰雲裏帝城

姑孰道中遇施虹玉返新安時聞其親患病

姑溪相見卽分飛迢遞新安觸暑歸藥石分將慈母苦  
羸脈餘得故人肥蘇耽亦念家中井菜子頻沾道上衣  
此別蒞泮珠海上書來先說是庭闈

寧都魏叔子季子隱金精山詩以寄之

螺川南上更登艫灘盡高臺見鬱孤秋氣驚來江上早

雪花吹到嶺頭無天留一劍知何意人在三門尚有徒  
不嫁長沙仙女好金精高卧亦良圖

上十八灘

灘口雲峯萬朵迎崩波直下虎頭城聲含亂石雷霆怒  
光出陰崖日月生天險豈容南越得時艱先使潁江清  
橫穿瀑布三朝暮上盡黃牛水未平  
雙帆傾仄入洪波勃敵其如巨石多水底風雷爭噴出  
烟中林岫暗飛過蛇蟠有氣吹黃葉猿飲無聲下綠蘿  
未至儲潭猶險在且從中道玩巖阿

度梅關作

卷五 七言律

完

苦恨秦關一道通人如去雁與來鴻梅花但爲臺侯植  
錦石難同陸賈封五嶺繇來稱塞上三城久已作回中  
越王留得多豪俊戰敗屠睢最有功

八度人關逐雁飛寒門北去暑門歸黃金結客無衣食  
白首爲家有翠微天下侯王須漂母先朝臣妾盡明妃  
顛來空使梅花賦未見龍沙一奮威

梅關上有額曰人關

過某明府金紫山莊作

解組歸來已有年韓城猶憶使君賢家鄰大庾因梅樹  
夢繞羅浮爲酒田令子秦人矜勇力新姬吳女鬪輕妍  
蘇卿墓上松南向羨爾曾攀漢代烟

君生子于秦

過華林寺作

芳華舊是劉王死，咫尺鸞潭見海天。  
蝴蝶繭從仙嶽至，菩提紗向帝京傳。  
光流故國餘明月，魂傍孤城作暮烟。  
春艸似含南漢恨，依依隨客到花田。

七夕咏璇璣圖

佳人織錦按河圖，天上璇璣得似無。  
文字能令柔瑟好，風流悔使蕙蘭孤。  
牽牛此夕逢天女，白兔他家憶故夫。  
手爪如君皆巧絕，更誰山上采藤蕪。

南海神祠作

扶胥江口水微茫，簫鼓人祠百谷王。  
萬派洪濤朝漲海，

卷五 七言律詩

三

千秋絳節奠扶桑，參天花倒龍宮影。  
浴日亭浮唇氣光，聞道漢皇東渡急。  
馮夷先爲駕鼉梁。

寄魏處士

女中高士金精卧，君亦狂歌在上頭。  
王蠋自能存社稷，許衡那解讀春秋。  
青天一半開奇石，白水千家截怒流。  
教授莫辭多弟子，異時王佐有人求。

初至漢陽賦贈王別駕

鸚鵡洲西却月前，蒹葭江水接空天。  
郎官佐郡還三府，夏口行春已六年。  
北關早知延尉直，南樓重見庾公賢。  
漢陽有樹皆楊柳，未識檣烏向那邊。

贈南雄某總戎

秦時南塞此雄州鎖鑰憑君控上游  
霹靂泉邊開大帳梅花國裏坐臺侯  
家存兩代山河誓地接三城鼓角秋  
幕府只今才子在移家吾欲傍風流

徐君自江左來廣賦贈

秣陵城北是花城花到君家色倍明  
黃菊去秋容我摘白鵬今日逐人迎  
秦時梅嶺猶天險漢代崧臺亦帝京  
憑弔定知紛涕淚江南人物本多情

得郭清霞書言欲歸老羅浮詩以速之

已報羅浮四百君君歸重挹翠氤氲  
金精不嫁長投髮玉樹無親但抱雲  
象數早從仙易得文章應使世儒聞  
芙蓉砂好皆塵垢丹竈何勞吐紫芬

卷五

七言律詩

三

朔風一別遂無家仙人棲託元東莞  
令子絃歌是白華同在瀟湘吾獨返  
相思頻寄海天霞

廣州弔古

山川靈氣會都司舊作佗宮枕海濱  
一自名王來駱越至今天子盡屠耆  
無才絕道稱南武有恨祠天殺貳師  
耶第荒涼餘白艸牛羊躑躅爲誰悲

白雲山下卽龍堆舊日丁零大帳開  
奇畜盡從沙漠至

遠人兼帶雪霜來無多越女留炎微不斷明妃去紫臺  
朝漢有誰還朔望雕青天子在蓬萊

三峯飛入越王城上有呼鑿古道平氣似穹廬千里接  
風飄笳鼓一天清禪王父子爲燐火絕塞牛羊自盛京  
山鬼招人歸白墓日斜林外有歌聲

懷仙曲

花入高雲月上天美人相繼作飛仙棺中綵履留何處  
臺上青禽去幾年織錦悔教來粵嶠鳴箏休更問秦川  
鴛鴦最是多愁思未到黃泉已化烟

壬戌清明作

卷五 七言律詩

五

朝作輕寒暮作陰愁中不覺已春深落花有淚因風雨  
啼鳥無情自古今故國江山徒夢寐中華人物又銷沉  
龍蛇四海歸無所寒食年年愴客心

焚香作

夜夜焚香到曉鐘鳴琴亦未綠塵封詩因五嶽辭多怪  
酒得諸花味更濃欲補陶經先太華將營服食首喬松  
乘時未敢顯爲客燕雀卑栖且一峯

壽水部太翁

水部風流動禁闈衮衣持作老萊衣天將一老留東海  
國有孤臣在少微羽客羅浮來鳳子仙書林屋得龍威

退朝清興多絲竹一一笙詩奏不遊

望晉恭王園

襟帶河汾玉殿長一朝弓劍委秋霜將軍死戰哀寧武  
帝子生降恨晉陽馬首關山空落日城中歌吹罷清商  
悲風處處吹松柏誰到并州不斷腸

南鎮

稽山形勝配朱天漢帝登壇肅豆籩玉笥宮藏神禹簡  
香爐峯拒祖龍鞭風雲有氣生潭口虎豹無聲立洞前  
寸道河山勞作鎮更扶黃屋斗牛邊

墨胎

卷五 七言律詩

七

九世商侯是墨胎盟津肯爲武王來千秋書弒堪爲法  
一代無臣正可哀灤水風悲孤竹里首陽雲掩采薇臺  
黃農虞夏歸無處多事天生十亂才

范蠡

浮海鷗鷺一棹多飄然應自老烟波身全豈合爲齊相  
賈累將無愧越娥子死千金當市井師遺一策是巖阿  
會稽山下餘湯沐士女猶傳采葛歌

豫讓

豫子元非刺客人青筭亦復識天倫襄君未肯誅塗則  
國士繇來重漆身三躍自應教出血二心端欲愧爲臣

悲風亂激汾橋水長使行人淚滿巾

信陵君

居門一自請侯嬴功業頗垂蓋代名六國兵歸公子將  
諸侯客向信陵傾秦來早有河溝患漢過難忘俎豆情  
毛薛復能令救魏始知賢士貴逢迎

兩關西逐虎狼驚反聞頻教事不成六國安危公子在  
三年荒宴大梁傾難忘晉鄙猶多客未斬蒙驁更進兵  
合縱自能存社稷不須賢佐得阿衡

虞卿

躡屨邯鄲路未迷頻捐萬戶去栖栖知人未得逢無忌

卷五 七言律詩

七

急士終難救魏齊窮有春秋猶可見愁因公子不須啼  
艱難空使侯嬴惜白首無歸肯向西

聶政

鼓刀難隱姓名深車騎何來知已心仲子殷勤能具酒  
夫人麤糲敢辭金直誅韓相驚雄劍不使秦王待雅柔  
有姊悲哀頗殉義豈須皮面而刀砒

魯仲連

先生玉貌豈求人一笑全周四十春飛兔只應向東海  
貪狼那肯背西秦三公不易惟貧賤百世堪師足隱淪  
此日鮑焦方抱木非時難保白雲身

名駒千里不能干徐劫難將弟子看不使田巴談鬻  
非關無忌救邯鄲山東一一知高節海上翻翻有釣竿  
假儻只今思畫策布衣未信立功難

伍子胥

簫聲凄苦入吳來隱忍能成報怨才縣目鮮門觀寇入  
爲濤江上盪城開越人白馬何勞祭范子賜巨亦可哀  
入郢便應頻解印姑胥那忍更遲迴

燕昭王

燕昭信是霸王才得士望諸自魏來故鼎遂能歸磨室  
黃金不枉築寧臺七雄獨爾爲宗國一戰還堪振有郇

卷五 七言律詩

五

誰肯千金充駿骨功名真自郭生開

君臣甘苦總相同二十餘年且暮中湯武仁聲雖未洽  
春秋義戰此爲雄玉前久已無師友天定那能善始終  
三代至今人物少樂君真有卧龍風

趙武靈王

夢裏乘聲得孟姚英雄此劫恨難消美人一入吳娃館  
公子頻從主父朝西上黃華河活活北窮大漠草蕭蕭  
雲中有路堪南襲長使秦人氣不驕

四戰功高屢致兵河西攘地出長城招來騎射三胡畏  
馳入函關六國驚上帝若能憐箇子美人何得與娃羸

英雄自作沙丘禍霸業傷心竟不成

荆軻

當年神勇是荆卿市上悲歌最有情豈必英雄工劍術  
未應生劫待榮聲從容不俟蘭池客慷慨空借豎子行  
枉使秋風吹易水白冠相送淚沾纓

蘭相如

鼓瑟邯鄲最有名秦王亦爲秦奏聲九賓未禮陰懷璧  
五步何勞盛設兵御史直書真勇氣將軍多讓豈私情  
雌雄不滯誰能似心折風流是長卿

宋武帝

卷五 七言律詩

姜

司馬本爲神漢賊寄奴真是楚元孫中興自可爲昭烈  
薄伐曾經至太原九世深讐雖已復千年正統未能存  
劉何倘識春秋義應向君王拜手言

呂不韋

休言仲父更何親自是西皇太上身賜翟千金方返楚  
邯鄲一女已亡秦春秋有作歸商賈賓客相將盜聖人  
風俗至今倡樂盛史公何忍記桐輪

李廣

秋風吹老北平城飛將增人慷慨情長臂雙如猿有勢  
大黃一發虎無聲隴西風節羞降敵武帝恩私悔請

一石自從深飲羽至今鵬鷺過猶驚

和人岳王墓

鄂王墳上哭南朝聲落錢塘作暮潮鷗草有膏成碧玉  
蜀鏤無氣上丹青松楸亦向黃龍指風雨難將白馬招  
今日却思和議好沙塲不恨失嫖姚

登岱

鴻濛一氣白天孫日月雙觀各有門萬物盡從青帝出  
諸峯都讓丈人尊松間風雨秦時響石上崩蘿漢代痕  
最是白雲多變怪誰從觸石見真源

魯宮

卷五 七言律詩

七

兗州聞有魯王宮未毀靈光與漢同可作東周惟曲阜  
自來宗國是龜蒙龍興定在高皇後日出嘗瞻大海東  
碧瓦雕甍勞父老年淚灑燕泥中  
玉殿猶存泗水旁何人海外尚從亡難教會稽還尊魯  
未作涉陀肯立唐詩在諸侯偏有頌史書正月獨知王  
波臣有意存遺腹會見朝宗是少康

漢閣

黃雲不逐錦車還望絕天南有漢關青塚易成蘭麝土  
紫臺難作苧蘿山空將春色歸龍塞豈有長城在玉顏  
才似少卿人更恨相逢無計與刀環

和人北固山下作

垂竿四十九鱸魚北固山前我不如花艸無情先白下  
江山有恨首南徐金焦浩渺空天險龍虎盤迴豈帝居  
最苦流鶯催淚易聲聲都是六朝餘

南海廟作

南越人祠盡祝融章丘平處有行宮二江水到扶胥大  
萬里天歸漲海空潮汐舊從獅子入泥橋新與虎門通  
天留一島蒼茫外可惜田橫事不終

扶桑影逐海雲過屢物春來變怪多日暖羊城來士女  
月明龍戶有笙歌家家水帝祠南海歲歲天朝使遲羅

卷五 七言律詩

五

漢將神靈銅鼓在風吹音響滿滄波

木末亭

木末亭臨萬井中遙遙正對孝陵宮九原未肯成黃土  
十族猶然吐白虹自古以來無此死教人不忍作愚忠  
雨花臺畔啼鶯滿血染靡蕪一片紅

想像忠魂在舊京君臣自此益深情伴狂豈是三仁志  
寒瘧猶傳一代聲往日衣冠留木末只今俎豆失江城  
無多書種難留汝恨絕興亡不愛名

兩粵督府祝叡詞

斧鉞東臨屢有年蠻方人賴衮衣賢不將南庫歸京闕

自作長城控海天七朵芙蓉珠斗曲一輪明鏡玉臺圓  
無多香尉留州郡盡沐清風嶺嶠邊

鴛鴦蓮

友人池蓮歲久衰有一花  
色兼紅白以鴛鴦蓮名之

雄白雌朱一朶中鴛鴦共命恰相同東家傅粉嫌全素  
北地調脂愛半紅池滿絕愁羅襪濕月明頻使玉壺空  
田田葉裏閒無數獨爾雙飛入葦宮

贈墨西

姬人姓陸生于高要之布水村與端溪密邇  
予得之使朝夕在研之西磨墨供予揮洒故

字之曰墨西爲詩贈之

卷五 七言律詩

三

香溪一片卽端溪采得姬人字墨西水玉朝朝磨削笋  
松烟日日染柔莢教成小楷書難已催作新詞唱未齊  
善品水巖諸甲乙青花白葉滿中閨

琉璃研匣鎮隨身墨愛君房古色新王勃三升頻飲我  
青蓮百首每催人初來往往春葱破久立時時翠黛顰  
日用一螺殊未足不曾渴筆致卿喚

少小長齋繡佛前身應是散花天毘邪一見全無病  
居士相依祇爲禪每乞研金書梵唄時教潑墨作雲烟  
爪痕多在曹娥帖紅染蠻花半鳳仙

贈香東

守待姬人陸女字之曰墨西越數日復得東  
官石氏汝使之司香而字之曰香東爲詩贈  
之

鎮日盈盈葉几邊  
裙裾出入有餘烟  
含辭已似黃馨吐  
取氣還將黑澗煎  
作配文人非艷福  
托胎香國本真仙  
心花意蓋開須早  
證取圓通鼻觀禪

才名偏得鳳凰心  
肯卽雙雙果玉棊  
青鳥使來王母國  
綠衣人出女香林  
袖中玉斗羊脂滑  
牀上銅爐翠色深  
暇日每將黃熟揀  
珠蘭薰麝比兼金

綠珠自昔生南越  
碧玉繇來出小家  
典却寶書爲玉帛

卷五 七言律詩

早

迎來香室作烟霞  
青絲覆額如雲短  
翠暈拖眉半月斜  
十五有餘鼓未下水  
輪一倍吐精華

送人入巫峽

看殺芙蓉十二圖  
黃牛朝暮一人孤  
生當絕峽誰求女  
化作名峯亦望夫  
辭賦不愁遷客少  
夢魂得似楚王無  
香溪更與高堂接  
莫弔明妃淚似珠

重至何仙姑壇作

瑤壇東北是羅浮  
仙女殷勤爲二樓  
飛雪不教蕭史贈  
采珠那與宓妃遊  
紛紛作使來么鳳  
一一翻飛向樂洲  
輕舉只須龍服食  
羽人何必問丹丘

奉和嚴藕漁宮允蒙恩予假南還述懷之作次

元韻

恩深正可遂初衣勇退繇來世所稀吳地菰蘆還獨社  
漢家鴻鶴已高飛光搖白蕩多漁艇勢截長江有釣磯  
咫尺桐君相伴好客星苗裔未全非

敕取新詞內使催中堂持草入蓬萊玄成諷諫書金上  
太白清平賜錦回北闕鷓鴣方接洽西山松菊又歸來  
東隣嫁畢今無女歌舞何人更作臺

三時晴雨望高旻沮溺無心笑問津香艸未能忘楚國

桃花那識有秦人春秋義向漁樵重日月書歸草野真

卷五 七言律詩

聖

遠志何妨爲小艸君歸更臥惠山春

炎方且爲荔支留藥市東邊問伯休三島易尋徐福國

五湖難上大夫舟珊瑚樹待漁竿拂簷萄花期野寺遊

寄語嘉禾供奉客更拋宮錦鳳池頭 供奉客謂朱錫鬯

舟入新興江將訪柴子有作

不知江口水聲分舟入于蠟只爲君春盡林香猶作瘴  
雨餘山氣未成雲白魚捕處禽多翠甘艸銜時鹿有群  
咫尺松杉煙靄隔一峰長嘯萬峰聞

送潘次畊太史

鶯脰銀魚鱸紫鬚垂虹更有四腮鱸君歸正及秋天

人去應同夜月孤衆女自來讒宋玉使君今復誤羅敷  
相如病免風流甚辭賦紛葩出酒墟

門外烟波即洞庭船浮鴨嘴出空冥休將拙宦慚漁父  
更把狂奴笑客星蕤紫秋來調玉鱠梅紅春去醉香溼  
蛾眉揚罷愁鄰女未得相隨返翠屏

詞朱竹垞

贈施少府

錢塘佳麗在才人別駕聲華動紫宸五嶺只今勞五馬  
三城自此似三春應悲南庫惟珠海且喜東籬有葛巾  
計畫軍儲多暇日相過詩句鬪清新

壽李香畧

卷五

七言律詩

望

青蓮昔愛崔秋浦鮑靚今留葛稚川清露自餐浮嶠外  
白雲那到詠堂前難逢一代循良令欲獻長生內外篇  
詞賦已光山水縣風流更有艸書傳

小除夕讌集紫閣觀察署中同用杜少陵秋

興第五首韻

華燈一一似朝暉費盡明珠作九微銀管競從文帥奪  
玉杯紛向酒龍飛葡萄點茗香頻至鸚鵡開花影不違  
照映使君分歲席水仙無雪亦能肥

唐玄宗嘗稱張助  
江爲文申元帥使

君別號曲  
江故云

峽裏

峽裏千峰似堵墻時時陰雨見羶羊雙江吐納桃溪口  
一水瀠洄蕉利鄉潮到蒼梧鹹味薄春歸員屋石花香  
鷓鴣知是多情者日日催歸使斷腸

棧道盤廻出萬峰千金鑿破幾芙蓉心悲化石秦時女  
淚灑啼猿漢代松蠟際海棠終歲見林邊山翠有時逢  
斜陽野戍休催泊乘月思尋峽口鐘

無題

山翠鳥名

媛老雙雙燕玉同况多沈水麝熏籠馬纓蝴蝶粧都好  
鶯粟纓桃笑總工春色全歸朱閣裏輕寒半入玉杯中  
紫烟不斷香狼藉曲曲雲屏隔盡風

馬纓蝴蝶二粧名

卷五

七言律詩

四三

紅梅

生當屋角恨多陰幾朵微紅半吐心暖處易香嫌日薄  
寒時難落怕風深休教摘去圍雲鬢且使移來傍玉琴  
小小相思憐不啄枝間久立忽穿林

相思鳥名

自蒲澗入濂泉寺作

陰陰灌木夾山蹊入石穿泉路易迷虎去未寒苔上跡  
蟬來忽斷竹間嘶蒲根可食困多節葉背堪書爲少泥  
不雨水簾成滴瀝夢魂清絕寺樓西

送姜克翁歸山陰

深秋豈是送君時落葉哀蟬悲復悲青歲自憐多獨往

白頭人恨少相知  
風流南國無詞客  
秀麗西家有美施  
爲向若耶溪上問  
蒼苔蒼色幾人思

贈黃叟逸閒

八旬有二鬢如絲  
見我能文十四時  
天爲無書留古老  
人因有道得期頤  
山蟬夜咽寒泉響  
海鶴秋高白露萎  
拾蕙相隨吾未厭  
西郊煙水歲寒宜

汪子栗亭右湘吳子綺園屬山僧師古畫黃山

冊子寄予爲六十壽詩以酬之

黃山黃海白雲開  
画取芙蓉六六來  
三道天門三瀑布  
一枝石笋一丹臺  
煙霞作壽憑仙筆  
嶽瀆難生是逸才

卷五

七言律詩

四首

知爾竹林相待久  
會將舟向阮溪迴

一松綠繞一芙蓉  
松似藤蘿不似松  
偃蓋倒生多至地  
飛枝斜出亦成峰  
雲林掩映皆巢鶴  
石笋參差是籀龍  
多謝山僧能画得  
蒼髯巧作老人容

答黃扶孟

新安耆舊在人間  
不住黃山住白山  
司馬已能千賦熟  
大春那得五經閒  
喬松自愛龍鱗老  
衰鳳誰慚雉子斑  
念我自頭依膝下  
賦詩頻寄臥雲關

與君心結廿年知  
剛述垂名歲月遲  
太白狂歌人欲殺  
少陵儒雅自能師  
長生但向文章得  
不死何須藥餌持

待我雲峰三十六饑來亦復一如芝

喜謝修五歸自高涼

久戍高涼宦未成悲歌日日答猿聲炎天少雪頭難白  
瘴海多雷夢易驚家在長干迷去馬歸乘春色聽流鶯  
新詩字字干將似一片寒光照不平

過馬佐領克起粵秀山房賦贈

一峰飛向穗城頭下有書堂傍藥洲驃騎不會躑躅靴  
征南狽愛注春秋朝臺古木穿雲上越井寒泉抱石流  
多種芭蕉無暑入相將壺矢綠陰留

玉山南枕艸堂偏門出呼鑿古道邊九眼泉華朝吐雪

卷五 七言律詩

四三

五層樓影暮含煙芙蓉秋到惟知醉楊柳春來只解眠  
笑道將軍詩總好辭場戰勝勢無前

過林子本茅艸堂奉答見贈之作

城東勝地是長塘汝作松坡一艸堂蘭蕙不教花箭少  
茶蘼肯任露華香依依白首惟春色隱隱南朝祇夕陽  
念我多情同庾信平生蕭瑟在辭章

開徑相招喜地偏因君來枕素琴眠黃花有節忘甘苦  
白酒無心問聖賢山色每含朝雨冷海光時奪暮霞妍  
貧中自得新詩贈不覺蠲愁涕淚邊

集梁季子齋分賦得魚字

故人有弟鳳城居門外寒塘洗藥餘苔色冷含丹嶂影  
花光晴出綠天書香鱗正美櫻桃頰紫荔兼來翡翠墟  
語我甘灘垂釣好潮平潮落總多魚

杜鵑花

杜鵑開及杜鵑啼柔柔猩紅踏作泥望帝春心煙雨外  
蠶叢故國夕陽西將歸有客愁三峽再拜何人憶五溪  
血灑至今花瓣濕鶯銜不忍過香鬢

花朝讌集湯氏園亭作

緋桃掩映画橋東春到花朝影盡紅作暖池塘初有雨  
吹寒楊柳只多風流鶯一一笙歌裏戲蝶紛紛士女中

卷五 七言律詩

四十五

但使主人能愛客名園易與辟疆同

立秋後一日崔氏樓雨望

秋來一日卽霜天細雨生寒盡作烟海氣不分平野外  
山光如在夕陽前穿簾乍入蕭蕭葉繞樹長嘶咽咽蟬  
樓好欲當明月立催人何處暮鐘傳

梅

紛紛桃李臘前開豈意春初尚有梅人戴一枝爲寶際  
鶯銜數片作香胎隨風未肯沾泥去化雪猶思入酒來  
視而能令顏色好參差兒女滿粧臺

乍得

乍得春風不自持，無人亦復舞腰肢。  
白頭最恐花如雪，青鬢偏憐葉似絲。  
有恨黃鸝啼咽無情紫蝶影，  
離魂風流好向靈和殿，更與嬋娟鬪翠眉。

湘江曲

九疑點點是離愁，淚作灤湘萬古流。  
梧野至今迷玉輦，重華何處得珠丘。  
遺宮髣髴當南嶽，舊事蒼茫問白頭。  
騷客自來傷帝子，况逢蕭瑟洞庭秋。

寄懷毛翰林大司

李羅今日生才子，絕似施家又一西。  
文研定裁紅粉石，墨香應注浣紗溪。  
多錢方朔頻辭帝，無子商陵不去妻。

卷五

七言律詩

四七

最善六朝兼沈宋，新聲妖冶使人迷。

大可生蕭山嘗云西子是蕭山人見

越絕書

太湖懷范大夫

風流誰似大夫長，一載西施遂渺茫。  
佳麗至今餘笠澤，精靈何處不夷光。  
洞庭花枕魚鱗屋，胥口雲連玉屨廊。  
終古紅顏感知已，春來爭薦早梅芳。

自中宿上韶陽道中有作

二禺離合自羅浮，三峽縈迴到鬱洲。  
螺女望夫山石老，神鴉思婦野雲愁。  
何心帝子偏長往，有恨王孫定久留。  
最是南朝餘古木，蕭條落葉易高秋。

險絕飛厓半，屨舟紛紛象馬石。當頭風教急，峽三衝過。  
雨遣驚灘一日留，山鷗催歸知有夢。野花多故肯忘憂。  
迷津欲向煙波問，漁父無人祇白鷗。

一重煙雨一重愁，深掩蓬牕聽瀑流。多羨無家惟白鷺，  
絕憐如故是黃牛。漁燈稍辨沙邊驛，戍角頻驚江上樓。  
垂老始知行役苦，於陵衣食向人求。

屈翁山詩集卷第五

卷五

七言律詩

四六

屈翁山詩集卷第六

鴛水徐肇元掄三選

周源長荆思  
徐起元瀛奇 校正

五言絕句

古意

美人攬明月盈手似瑤華欲贈離居者徘徊秋漢斜

桃葉渡

二月江南望桃花爛似霞人言桃葉渡桃葉勝桃花

湖上

春草接姑蘇春烟望漸無愁心通春水流滿莫愁湖

卷六 五言絕句

雷塘

一片裙腰草雷塘接竹西春人無限恨付與乳鶯啼

畫馬

千里驂驅氣飛揚尺素中可憐寶霸在淚與汗花紅

秋夕別岑公

片他鄉月秋光亦苦辛每從風雨後來照別離人

贈雪公

落落羅浮松皎皎耶溪月將月挂松端清輝兩寥泐

日出冊

日出暈新妝珠簾映水光采蓮儂不去湖裏有鴛鴦

孟津口

金谷多麗人采芳孟津口願作芙蓉花歲蕤入素手

舟中

一夜河冰合舟行須日出日出冰亂流舍風響蕭瑟  
日日黃河曲烟波一片愁誰言漁父好白首此孤舟

過十八灘

片帆穿亂石利涉仗舟師却恨灘流疾奇峰過不知

定情曲

羅浮蝙蝠紅雙宿芭蕉葉相與帶枉身媚郎兼媚妾  
願似蝴蝶花花開紅燁燁花落隨風飛復作雙蝴蝶

卷六 五言絕句

二

左種合歡花右種相憐草人情有盡時花草千年好

江潮曲

兩潮相合時不知早與暮與郎今往來但以潮爲度

秋水

秋水何青青菖蒲花可采不忍浣羅襦美人淚痕在

歡如曲

歡如垂柳花妾似垂楊葉花飛向春時葉落當秋節

柳枝詞

郎情柳葉短妾意柳枝長願作柳花飛隨郎還故鄉

青樓曲

楊柳垂千縷風吹掛玉樓美人憐不折欲繫紫驂驪

春水

春水連桃葉垂楊滿石城興亡無限恨啼殺六朝鶯

夢衣行 有序

冬夕宿維揚客舍夢孔君遺予繭襖作

夢中一故人嗚咽持相語遺我一繭袍中有綿與絮  
夢中食君食夢中衣君衣安得長夢中與君不相離

有懷

蟋蟀吟芳砌芙蓉落碧池如何秋夜月祇解照相思

秋夕

卷六

五言絕句

三

相思夜不眠衾薄寒初怯可憐秋雨聲只在芭蕉葉

黃山寒夜作

三十六峰東蕭蕭枕簟風夢寒飛不遠只在亂雲中

鷺脰湖作

雪助湖光白風開野色新白鷗相識否前度弄梅人

一冬

一冬不曾寒新年寒始極多謝澗邊梅報我春消息

題攝山亭子

石多泉仄出花密鳥斜飛坐愛莓苔好青青欲上衣

瓜洲問渡口號

江臯寒日上霜氣自成煙滅口無魚舸踟躕宿雁前

白露

白露紛如雨林深落石聲蝶沾裙繡溼花濯粉光明

欲雨

欲雨鳥聲亂先秋林氣清葉疎桐見子花重菊垂莖

酌酒

滿酌當秋色微歌得麗華芙蓉猶自醉詎可不如花

生日覽鏡口占

生日當秋盡衰顏滿鏡中芙蓉誰得似朝白暮還紅

梅花村作

卷六 五言絕句

四

花發當村口牛羊踏幾層仙人餐不盡多半化爲冰

苦風號子

朝朝牽百丈苦恨打頭風山水憐予甚相留作釣翁

出京江口

至此風濤濶江聲作海聲飛飛兩浮玉欲與白波平

題青溪姚氏所畫梅花冊子

自有青溪客梅花盡姓姚羅浮千萬樹開落向生綃

觀瀑

白晝泉濛濛乍看若烟霧風吹忽倒飛半挂帷邊樹

對梅

只須開一樹香已滿合風清絕無魂夢相看至夜半  
春來春不見春只在香中春與香無別氣氤滿碧空  
不須過隔浦香自逐人來多謝春風好枝枝吹得開  
歲寒群動息驚見早梅新一夕衝冰雪春光漏與人  
南國雖無雪紛紛在鬢絲梅花吾與汝同是白頭時  
花蒂雖云弱凝冰凍不飛春風最相惜吹上美人衣  
葉盡花全放枝枝透月明影從人外散香以夜來清  
欲折枝高出烟凝望欲空光生三徑月香作一林風  
夜來庭砌上使我月明多一片如冰雪流光奈爾何

統扇詞

卷六

五言絕句

五

統扇先秋棄徒懷明月新自憐妾命薄不敢妒他人  
覽鏡

霜雪欺玄首秋來見幾絲多慚明鏡照正是始衰時

耶溪

春水沒湖堤舟平與草齊荷花都解語莫向若耶溪  
一片耶溪水佳人拂鏡過至今生齒香比洞庭多

舊業

舊業多花藥歸來春正妍羅浮峰四百一日一峰眠

入蘆苞水

一水穿深竹孤舟蕩晚風但沿明月去忽與大江通

送客

歲暮陽關路愁君匹馬行離心似春草一夕雪中生  
梅關道中

窮苑臺關路蒼松夾嶺斜鷓鴣蠻女曲茉莉漢臣花

對花作

芙蓉三日醉苗春一秋香白首難忘汝相依此瘴鄉

寒食

煙雨催寒食江南又暮春可憐三男艸看盡六朝人

吹笛

吹笛關河夜衣裳清露滋誰能見秋月不起故山思

暮天

暮天稍晴霽雨氣白成雲月出爭殘日林光兩不分

從石濤禪師乞花插瓶

方丈多花發秋深恰似春從師分數種來伴坐愁人  
最是芙蓉好枝枝拂鏡斜幸無頭上雪不怕笑人花  
花中誰得似長是老來紅折取當明鏡衰顏欲與同  
立冬前未冷已是放梅時一朵開方半人從定裏知  
花愛仙人好相將隱玉壺不知花主意肯割數枝無

十五

玉乘朝女清歌過若耶因生西子地顏色豔如花

春日曲

流鶯無事極啼遍落花前笑殺垂垂柳臨風只愛張  
辛苦黃鶯汝聲聲爲別離盡將闌裏意啼與落花知  
日暖人多夢春來物有情林花知客恨開落不分明

夜蘭

風露夜有香知是幽蘭吐山人每不眠聞香得深悟  
幽蘭開向夜風裏自成香欲得蘭膏飲穿林至石梁

寄黃山道者

松枝多變化怪絕似諸峰疑爾黃山客前身亦一松  
松與峰爭怪盤旋勢萬重有時蟬脫去一半化爲峰

卷六 五言絕句

七

蕉林作

蕉葉何嘗落乾時可作書繞庭三十樹人道綠天如

鬪橋

折盡東西柳銷魂自漢時人言枝上鳥總是一相思

鳥名

贈長安田十五

珠斗城邊落詩才麗絕倫同心梅與李共作上林春

白鵝潭

江至鵝潭澗春來益渺茫中流波浪起愁殺捕魚郎

觀海

有天皆化水無月不生潮萬里長堤外波濤極沃焦

白華園作

舒卷因風雨芭蕉亦有心秋來無一事葉葉寫新吟  
水氣含雲白山光吐雨青帆低爭拂樹過我澆花亭  
兩隨雲氣去雷逐電光來爲愛秋涼天軒窗面面開  
溪鳴知水漲木落覺山空野鹿閒相過黃花食一叢  
雨含黃日氣野外半陰晴處處吸塘水秋來一夜平  
紫蟹得霜肥銜禾上釣磯閒垂兄弟釣更得白魚歸  
一片空濛裏泉飛似白雲隨風將落葉總作雨紛紛  
階下多孩菊庭前復女蘭汲泉頻灌溉持作老親歡  
一嗚生小雪梅蕊已紛紛夢裏知開落香多竟不聞

卷六

五言絕句

人

香好消魂夢氤氳至夜分餘烟飛不盡凝作半牀雲  
蠻瓜爭絡檣梨實共垂垂未忍除花架霜風任倒吹  
階葉飛難遠依依故樹邊朝來含白露知是淚痕鮮  
何處忘人世平生此石牀秋來難出戶恐負菊花香

秋日挈舟茉莉沙迨送孔參軍卽景口占以贈  
其行

雲邊風路小雨外日光微最惜橫江石無人作釣磯  
花搖知白鷺水落見紅螺一片蕭疎雨聲先到芰荷  
雙槳逆風潮心飛不覺遙送君無一語嗚咽是南朝  
幾載爲閒吏何曾可代農君前多袒襦柳下不須恭

寧過期中歲人人亦可師君行苦難索悵復來時

弼唐村卽景

一水細通潮帆低屢過橋陰陰榕影下漁父不相招  
片雨從西至開門爽氣侵蟬聲似溪水流入野人心  
持蔬軒作

月出雨猶滴微光似在林蟲寒聲漸小不忍到愁心  
蟋蟀寒相語聲聲有所思思君似初月相照未多時  
芙蓉白復紅向暮解還童更拒秋霜甚疑粧在月中

菜圃雜咏

又見梅花發枝枝影向西可憐千萬片飛不到潛谿

卷六

五言絕句

九

洪昉者家在潛谿故云

紅翠雙入簾知自羅浮至口銜麻姑書催我營春事  
春已滿浮丘花開多異色生憎小鳳凰向我花上食  
負杖還墟落韶光正及春澗花欣有主山鳥喜無人

福墻桃花

東家復有春牆上一枝新未得春風吐天天已笑人

詠汪子

君在黃山口桃花十里長不知溪上水流得幾峰香

舟行

勢急潮相壘秋來水益驕漁舟無旦暮只是弄江潮

西樵與客賒酤口占

貰酒白雲西相將玉手攜無錢吾自分門有瀉錢溪

嶺南旅懷

客心與春艸一路接江南辛苦催歸鳥朝朝向片帆春

荷花已成子荷葉復成衣一片蒲葵扇團圓欲寄歸夏

炎海少秋霜葉紅因客淚因風片片飛飛向江南墜秋

南枝能作花豈若北枝好霜雪平生心歲寒聊自保冬

春怨

春來只煙雨何必更留春啼鳥聲聲恨情多太管人

桃花元有淚不必雨啼紅滴滴蒼苔上吹乾恨曉風

宋六  
五言絕句

春山無遠近雨過總青青雲作蛾眉黛愁人是翠屏

春色已牽腸何須柳帶長海棠經淚洗花白似秋霜

題南園綠艸飛蝴蝶圖

蝴蝶與芳艸相憐不為春羅裙深淺色愁殺冶遊人

浙河夜發

落月依荒戍流烟暗裏河紛紛舵樓女未曙唱吳歌

粵客龍鬚席吳娘鴨嘴船一聲蘭漿發驚起月中眠

梧桐

子熟無飢鳳枝枝墜露清只須三兩葉便可作秋聲

破苔

忽破苔痕去微微  
屐齒餘落花真如  
爾片片在裙裾  
落花

未忍委蒼苔含情  
向玉杯東風如有  
意吹上故枝來  
鳥聲催雨至向夕  
又春寒花片不飛  
去圖君拾取看  
題畫

石上一仙夫箱中  
五嶽圖不知張孺  
子識得老人無  
廣州花朝

花朝花已盡祇有  
絳桃肥梅子青青  
好流鶯打不飛  
海棠晴暖候紅影  
滿春山朶朶如醇  
酒醅人白玉顏  
葉惹鶯毛綠花枯  
燕嘴紅生憎聲睨  
睨一一入愁中

卷六 五言絕句

浣紗女廟 在真州

得此壺漿女千秋  
兩浣紗真州祠下  
樹香接苧蘿花

傷春

大小過寒食傷春  
淚未終可憐花與  
鳥都作杜鵑紅

雙燕窩

從化有殷氏女未  
嫁聞其墮死卽自  
經兩家合葬之號  
冢曰雙燕窩

雙燕復雙燕生時  
不相見相見在黃  
泉雌雄何婉孌

媚歌

持贈綠金蟬爲卿  
釵上飾雙棲朱槿  
中相媚情何極

郎是簪珠兒儂是惹珠子自憐同一珠甘苦長相似  
蟾蜍月中獸生與嫦娥居多謝思君夕流光滿玉除  
暮來粧閣冷風使雪花多若作春楊柳當如飛絮何  
不種忘憂花但栽懷夢草夢長在君傍何惜憂終老  
鏡好終雙照粧成覆綠紗墻陰休灑淚恐作斷腸花

示閨人

酒豈罇愁物須卿夜合花端陽多采得日夕泛流霞

唐杜

羔妻趙氏每歲端午午時取夜合花置枕中羔稍  
不樂輒取少許入酒今婢送羔飲之羔卽歎然

古意

點點越羅衣桃花作淚飛鷓鴣如有意爲喚阿郎歸

卷六

五言絕句

七

梅花下作

向日開偏早清多亦畏寒不知香欲滿尚作白雲看  
未出疎林外幽香在薜蘿夜來全不見却恨月明多  
山鳥向人喜梅開已滿枝銜將三兩片欲點美人眉  
亦知花定落不敢恨東風苦是餘香在魂消一片紅  
花發先春至春風尚不知年年同白首多在苦寒時  
故人惟汝在不道是瑤華香外無知已氤氳自一家  
孤榮亦已久清絕自無人幸在雲山外長含太古春

潭上作

魚食白雲影不知花滿潭持花作香餌却被白鷗銜

怨歌

一春多淚痕苔上無人掃  
化作斷腸花復爲斷腸草  
昔愁杜鵑多今恨杜鵑少  
杜鵑爲我啼莫惜到天曉  
苦愛猿啼好猿啼易斷腸  
斷腸今已矣化作望夫岡

新竹

數枝香粉嫩籜解卽琅玕未  
忍青青玉持將作釣竿  
題朱太史小長蘆圖

烟水小長蘆微菴子大夫不知垂釣罷  
亦復著書無  
畫竹

幾葉開籬谷蕭疎已作秋  
筆端烟雨態爭向管姬求

卷六

五言絕句

三

瀑花

瀑花無大小吹落總成水  
一夜風含凍群峰雪盡凝  
敲泉驚宿鳥乙火動隣僧  
無與共吟嘯呼猿下古藤

讀史

可惜縱橫客尊周計莫陳  
魯連如不死天下豈爲秦

寒食北望燕京作

陵隩那可望萬里冷烟迷  
辛苦子鵑鳥年年向北啼

湘中

湘中間欸乃泣舜有餘聲  
斑竹蕭蕭暮風吹無限情

詠張麗英

純扇光如月佳人作鏡看紫雲俄鬱起石上駕飛鸞  
紅豆曲

江南紅豆樹一葉一相思紅豆尚可盡相思無已時

楊柳枝詞

誰家遊冶郎日日章臺下多謝楊柳枝爲儂繫驄馬

若耶

三十六溪水合爲若耶流曾經西子照清似鏡光浮

鏡湖曲

白雲何氤氳流光不可掇夜夜鏡湖中爲予拂明月

酌酒與徐撫辰

卷六

五言絕句

十四

白髮慚春色愁心似落紅葡萄君不醉何以受東風

鐵橋

二山相接處賴有一飛橋天作羅浮帶無令逐海潮

種蕉

愛聽疎雨滴窗外作蕉林靜久無魂夢秋來徹夜吟

秋夕作

松露鶴邊滴清吟滿石林夢中驚是月起視白如霜

題王三丈手蓉閣

清嘯復鳴絃樓開太華邊風吹玉女影朝夕在窗前

蝶

白白復黃黃雌雄如幾行春風吹不亂各自宿花房

林下

林下逍遙甚猿裘與鹿巾欲禰霜露疾多飲太和春

卷六

五言絕句

七

五言排律

華嶽 百韻

至道生元氣，神仙結混靈。胡開華嶽少，韓主秋方肅。  
殺清天地明，禪悟帝王軒。遊受圖籙虞，符會衣裳萬壑。  
懸河漢三峯，壓雍梁冠危。司寇立，鼎聳紫微妨。井鬼精  
相接，嵩衡影在望。輪牙千仞闢，峪口一夫防。垂峽天如  
練，橫溪石作航。桐陰交茂密，泉響擊砰磅。太素芙蓉發，  
眞元玉井藏。雲霞天四塞，混沌帝中央。千葉擎珠闕，三  
花瀉玉漿。蔽虧秦日月，照映漢旂常。叠蠟森堂奧，攢霄  
亂劍鋸。潼關收虎踞，沙苑放龍驤。表裏金城擁，縱橫錦  
幔張。我來凌百二，仙舉出陰陽。霧入張趙市，風窺玉女  
房。胸襟披早爽，吟咏寫清商。踴躍牛心谷，徘徊古柏行。  
一天通箭括，九地出中箱。鑿翠成飛棧，嵌空作曲堂。鞠  
窮過擲嶺，垂足度懸岡。自汲憑雙綆，人騎向一梁。竇中  
穿衲褻，阪上躡毫芒。慘澹愁春靄，淒寒怨曉霜。屬厓頻  
甃耳，沿澗幾迴腸。蟲鼠扶天柱，滂沱哭帝閭。小心恒惴  
惴，高視每洋洋。但使玄都逢安知，玉趾傷歌翻風浩浩。  
渴挹露瀼瀼，壁笑飛猿墜。龕憐白鹿翔，憑虛驚禦駕。寇履  
險蕘瞿，磨舞袖迴高掌。槲擘挑玉姜，蓬壺雖有引溝壑。  
未曾忘八極，閒揮斥群眞。凜拜鷗懷柔，思哲后宰割。試

封疆金主驂烟至甄齋向日粧霓旌互摩盪鸞節共趨  
躡光彩紛離合忠誠一贊襄神京鐘鼓在王母簡書將  
遺璧傳龍死寒蘋弔國殤爲旒師蠱蠱如帶恨湯湯寤  
寐宗周久經營陝服長商顏猶曉雷渭泐且浮觴木索  
哀何極干戈命靡嘗西昏逢味谷東旦想扶桑勢蹴宇  
條裂流傾星宿黃真形含齒皆盛德見圭璋秉炬三公  
穆生華庶物昌萬鬻朝落雁半榻卧修羊鬱鬱莎羅木  
陰陰罨画廊香爐氛氳霽金檢色暉煌與府長司命中  
華此扼腕峻陵接風雨蒲阪列屏障瀑布瓴長建桃林  
甲莫當遠巡還六國約法待三章昔我明高帝興基邁

卷六 五言排律

七

古皇齋心茶默後飛夢削成傍聖藻輝巖岫文思格吳  
蒼葦收迎羽葆白虎奏笙簧社首遯封禪華胥享樂康  
天威瞻咫尺仙樂聽鏗鏘繞指潛幽阜攀髯墮大荒壺  
公暫肥逃箕子久佯狂戰陣存碁石璣衡運算瑤瑤臺  
何假蹇蛟服自芬芳躡捷時爭鳥超騰或射狼鈎梯窮  
上下博簡賭興亡有母悲三北無人繼一匡季龍偷玉  
版交甫失明璫丹笋干雲直青柯拂雨涼坪前三輔小  
谿底四州強太白皆孫幹岷峨是女墻終南相倚伏雷  
首乍低昂霰雪秋頻冷芝苓夜有光雲英堪沐髮石馬  
欲施韁絕頂誰盤礴明星獨韻頰丈夫臨乳洞童子執

油囊不死何須藥無生自有鄉淵明難止酒弘景早休糧  
姑射真冰雪神堯亦糝糠洗盆通渤海御道跨欒槍  
同澤分毛女承旂儼鳳皇波濤奔楚鄧蟻蝶化氏羌豐  
鎬勞經緯崑崙賴紀綱孤根標不止變態浩難量赤縣  
今淪沒黃巾昨擾攘螯蛙坤軸動孤嘯盜兵倡發憤吾  
安往飄零道不祥思從椴檜楚永解蕙蘭纒構宇仙人  
砭移家天子鄴翠溝種瑤草劈石佐神香跼首天方醉  
坡詹世不揚將軍松落落太上天泱泱但自調于羽何  
煩缺斧斯聯明歸峻極斨力養方剛申甫鍾何晚桓文  
履未臧希夷不蠟蛻更掃讀書床

卷六 五言排律

六

留別傅應州

雁門橫代郡龍首跨雲中霸氣沙陀壯邊謀主父雄黃  
花開嶺北渾水遶城東歇馬斜陽盡懸軍古戍空賦成  
投太守繻乘識終童清夜壺觴合高秋射獵同黃羊行  
美酪紫兕落雕弓塞色胭脂暗邊聲威燄通鍾靈尋鳳  
井駐蹕問龍宮漢帝巡沙漠天威起大風州有佛宮寺  
爲成祖武宗  
駟蹕之處寺中一木塔建自遼清寧三年成祖  
御筆題峻極神工武帝題天下奇觀各四字昭回垂  
聖藻峻極嘆神工誰造千華塔真疑一柱功榘梁爭翕  
黍戶牖競玲瓏層構如樓閣孤標亦華嵩針芒先不露  
斤斧後應窮甲子完顏記瓶沙大士聰參差無接笋紆

曲似垂虹萬象金波麗諸天翠靄蒙登臨收海嶽指顧  
盡羌戎茹越連疎木桑乾起暮鴻使君饒逸與賤子一  
悲翁暫握青霄手全披繳日束草書追內使詩序托孫  
公白晝絃歌洽陽春兩雪融清揚憐蔓草奇響愛焦桐  
關隘逢天險藩屏賴爾躬微言能玉振大蒐必車攻厲  
聖惟狂狷從龍自鎬豐交情存寶劍岐路指花驄愁絕  
頻分袂陽關唱未終

雁門關與天生送曹使君返雲中四十韻

趙塞樓煩北秦城句注東天懸雙闕峻地壓九邊雄陰  
積龍堆雪寒吹馬邑風關雲迷白雁江樹憶丹楓凭眺

卷六 五言排律

九

貪形勝迫陪得鎮公醉揮軍幕酒吟送使臣聰事業悲  
流水文章慰轉逢詩亡宜發憤年長已成翁李于才何  
傑曹侯道故通項麓開樂府袞繡麗天工清廟朱絃似  
西京大璞同神人欣唱嘆雲物接昭融好我貽金石遊  
仙問華嵩勞謙能罄折駕馭必車攻阮籍沉酣後梁鸞  
質作中市塵藏遠蹈毫素托深衷正始音相應延陵聽  
獨聰黃鐘驚靡曼香草拾童蒙出處忘陳迹箴規向薄  
躬金丸當群鳥玉軫飾焦桐化理論無始交情勉有終  
烹魚須溉釜別虎爲張弓飛將材無讓宗周夢未窮宣  
威卿鎮朔賜樂在和戎鉅鹿藩京邑飛狐扼代官孟舒

惟布德蕭相肯居功吾輩慚狂簡若心愛朴忠春秋存  
芻蕘黃老謝鴻濛赤舄堪隨且丹砂不問洪乾坤雖朔  
漠日月自房櫳別緒紛春霰離憂急草蟲揚旗過廣武  
倚劍失崢嶸鏡吹桑乾遠臺門北嶽崇黑河霜慘淡青  
塚草朦朧願寄沙陀札來招桂樹叢白登思繼繼陰館  
恨倥傯遼后粧樓古蘇卿廟貌隆五言冠冕在一代舞  
歌空饑渴依殊域精靈格上穹何當清渭獵車後載蜚  
熊

壽尹太翁二十韻

二嶽羅浮峙三門漲海通神仙多窟宅造化在房櫳大

卷六

五言排律

字

老元姜父真人是尹雄角應生左髻光已轉方瞳井有  
丹砂汁堂多桂樹風兵鈴開大鯉王獵待非熊往日爲

郎早籌邊奏草工老臣方祭酒令子

謂銓  
部君

已傳弓璞玉

人難器鹽梅望正崇今朝持大斗與客上新豐

所居名  
新豐里

柔色思春草精心格上穹靈芝宮闕似巨棗瓠瓜同玉

杖叟三老丹經得八公笙詩尊絳蓍舞曲艷驚鴻物貴

珊瑚市人歡簷蔔叢鷓鴣峒峩北蝴蝶洞朝東雨滴黃

旗翠花流碧甲紅登臨長自樂吟咏晚逾攻神器須黃

綺名儒必馬融願言頤養備與道共無窮

一線巖開在神京此大門潮聲吞吐澗山勢接崑崙獨  
扼遼東吭深盤碣石根黃榆連漢壘白草帶秦垣頂者  
遭龍戰諸居起虎墩乾坤歸大漠鎖鑰失雄藩枉設西  
洋砲頻降上將幡花門空飽肉青塚不歸魂日向雙筇  
落雲隨萬馬奔我來縞屨衰誰見節猶存鴻雁虛驚箭  
驂翔正伏轅雪花千里捲旗影兩河詔天險嗟如此丸  
泥莫可論徒憐徐國烈辛苦爲中原

過吳不官草堂賦贈

今日東林社遺民半入禪君棲洞庭館不異虎溪邊斂  
性成幽石行歌徹紫烟門臨響水澗家有梅花田橘柚  
香無數楊梅紅更然琴書開暖日雞犬散晴天竹笋穿  
苔小銀魚入饌鮮采蘭陳藤下弄鳥向堂前昔我滄洲  
祖人稱萊子賢高堂過百歲白髮奉雙仙孺慕今惟子  
南陔復有篇白華朱萼好相贈兩流連  
子高祖滄洲公  
行年九十奉百  
有餘歲之父母以至孝稱今不官年六  
十其兩尊人皆八十餘歲故詩及之

粵亭懷古

百粵稱天府雙臺眺碧空海吞南武郡山枕越侗宮珠  
市鮫人集金門蜃氣通湖飛千嶂白花映半天紅遊女  
雲邊艇都人果下驄洲形斜偃月草色遠含風笛弄沉  
香浦鶻浮桂樹叢衣冠分建業井里比新豐久變蠻居

俗長懷割據功交州元險阻越尉亦英雄黃屋扶桑下  
朱旗旭日東秦皇難再世項羽耗重瞳虎視曾何益龍  
興自不同匹夫休叱咤三傑正和衷卒致殲垓下何妨  
王漢中任囂謀畧善陸賈笑談工立國聊乘亂稱臣遂  
効忠春秋朝袞冕開塞罷兵戎翠羽鳴爭嶠紫葩落刺  
桐仙靈多窟宅芝朮勝華嵩五嶺堪棲隱中原尚戰攻  
寧求勾漏令早作浣花翁三寸留侯舌千鈞李廣弓飛  
揚心未已導引術無窮月出扶胥樹霞橫朔漠鴻騎羊  
人已去舞劍曲初終踪跡雖飄梗精誠每貫虹言尋廣  
成子長嘯上崆峒

卷六

五言排律

三

秦嶽

玄黃相噴薄氣結金銀峯青帝行春令中天作岱宗鮮  
霞亂滄海初日上芙蓉御道盤三觀虛壇倚五松無人  
探玉牒獨自聽霜鐘樹接蓬瀛近雲遮齊魯重明堂留  
漢跡梁父失秦封灑布橫天白桃花帶露濃仙人飛不  
下玉女笑相從縹緲星河外迎子一白龍

濛濛巖洞裏元氣有周秦萬物生青帝羣峯拱丈人天  
雞呼日早仙閣出雲新濯髮攀河漢冥心見鬼神琴聲  
流衆壑劍彩繞孤身長子惟南而天孫有大春命長凝  
木火精已作星辰雷以三陽壯龍于正月屯望中愁繫

練行處想扶輪忍使乾坤失蒼茫淚滿巾

西安別沈太史

有序

太史聞予登華嶽賦詩至數千言嘆爲曠世  
奇男子相見西安情意甚歡浹旬而予往代  
州太史亦還京邑知已難別辭旨纏綿因並  
述其先人道學以爲贈云

北斗秦城直南山漢闕連龍興三戶日虎視八州天往  
事浮雲裏遺基蔓草邊二南王道蕩四塞地形偏設險  
資豹虎居中憶澗瀝深仁垂百世大義劫千年弔古心  
空愴逢君賦遂傳焦桐頻並瑟老驥漫當鞭霹靂中郎

卷六 五言排律

三

側飛揚伯樂前交情忘出處世態苦推遷吾道宜貧賤  
斯人亦市廛君公牛自儉叔夜鳳難鶩愛爾南邦傑今  
時太史賢石渠昭著作梁苑荷陶甄雨膏曾分陝謀猷  
邁濟川青雲雖奮發白屋更周旋玉笛胡床弄稽帷大  
道塞右軍神曠曠洗馬興翩翩捉麀驚河漢揮毫慘霧  
烟草書團扇重誤點画屏妍恢廓承家學精微在研田  
而翁垂素業當世奉韋編經術尊劉向詞華老伏虔明  
堂遺太玉清廟舍朱絃金石商歌出蘭衙楚佩鮮鄉人  
修俎豆弟子典牲牲大厦崇堂構名山肅几筵孝思誰  
不賈善述汝無愆台輔寅恭後人倫表帥先舉觴稱雅

願把臂向林泉別緒章臺結離憂易水懸出關歌不已  
折柳意淒然白馬東之代黃金北赴燕瀾橋分手處相  
望在貞堅

代贈王海憲十六韻

南武稱天府城臨百粵雄山川多霸氣割據有遺官夫  
子來開府諸侯早避驄宣威鮫浦上秉憲象林中界柱  
勳重建戈船策更王夷吾籌煮海越石賦扶風上郡

君是

安人多豪傑橫行獨乃公神靈鍾太華劍履下崆峒豹變

真君子龍驤是阿童年時冠獬豸袞職補華蟲謨似臯

陶告詩將大夏通鼓鐘開板屋琴瑟待焦桐吐握符姬

卷六 五言排律

三

旦仙靈問葛洪作人持玉尺求士得冥鴻燈悌垂天德  
神明作聖功願言逐裘帶長在藥洲東

賦贈秣陵某方伯

南國當珠斗東山得袞衣開藩龍虎地敷政帝王畿名  
伯多陰雨君陳在紫薇歸心先白屋入夢卽黃扉海內  
難藏富朝端有作威蒼生瞻岳牧令子贊庭幃孝友陪  
張仲文章接陸機江山三楚是花柳六朝非北海尊能  
滿西園賦不違謝公墩咫尺相賞及芳菲

賦送鎮安別駕

邕州千里外土府萬山中地與交南接官于太守同威

靈千騎入德教百蠻通銀艾腰方始金標立未終聲詩  
開子女明信薦王公吹管消春瘴揮琴送夕湯玉壺長  
注露銅鼓靜含風雨散雷高山名翠霞連海角紅懷人東  
莞遠平佛日南空四塞當天險三年奏土功佇看神雀  
下褒語出深宮

代挽楚撫軍

形勢推荆楚朝廷倚棟梁安危臣弟在眷注帝心長北  
闕懸黃鶴南樓啓武昌綱繆多牖戶鎖鑰幾封疆梁木  
俄然折連枝更可傷精靈憑將士涕泗滿湖湘文武今  
誰憲神明夙自強醜須元老壯兵以丈人祥七載忘裘

卷六 五言排律

五

帶三年鏃斧崩瘡痕猶未起衽席總多方殺氣愁全齒  
妖星恨火房推心消反側奮臂作金湯德潤如陰雨威  
寒儼肅霜王侯同汗馬父老只甘棠碣爲神君勒書探  
武庫藏彌留猶請命感激每飛章往者緩江左蒼生戀  
袞裳流離憂水旱搏濟及炎荒玉七廻剌瘵金標立紀  
綱九重喚舌寄萬姓藻蘋香遂有司空命重開僕射堂  
位雖高虎拜壽未至鷹揚部曲傳兵法宸居念國殤觀  
歸遼海上舟過秣陵旁形影孤花萼肝腸斷雁行哲兄  
存少保令子得仙郎繼述應無忝忠勤定不忘詔先崇  
俎豆勲益重旂常洲草凋鸚鵡山雲慘鳳皇英魂終泯

鄂同氣永參商藥石那能覩人琴並已亡家風餘白簡  
世業更青箱絮酒隨河伯雲旗指點蒼千秋友于痛鳴  
咽此斜陽

上兩廣制府

南嶽諸侯長東西節制同建標蠻越界開府尉佗宮虎  
拜從文祖龍驤是阿童文昌橫大帳武庫滿彤弓喉舌  
持珠斗精誠致玉虹富民應日引享帝已年豐嘯咤雲  
雷起經營土宇雄益初方大作升五正多功階陟崧臺  
峻樓懸瀝水崇炎天霜肅肅晴日雨濛濛屋吐朱旗氣  
鷹吟白簡風垣墉那有隼社席盡如熊赤烏居無外黃

卷六

五言排律

五

裳美在中鵷雛生八桂鳳子出雙桐客宿依牛女王基  
問祝融文章持正朔雅頌托宗工禮樂興方始春秋注  
未終神明因有道鼓舞自無窮折節先巖穴居身必華  
嵩門餘鳴劍客座得浣花翁賤子欽威重愚生抱困蒙  
恭聞三吐德願效一言忠文獻悲當世刪修愧在躬網  
羅千卷失箴縷百家通淵府推吾相裁威望吾公敢將  
黃老進安用大師攻作序求皇甫爲金突塢洪書繫難  
繡版力竭爲雕蟲桑梓憑茲答權衡苦不聽自媒將拙  
賦應得當虛衷

闕江樓晚眺

樓在  
端州

水截崧臺下，牂牁一大支。天教雙峽束，地以一樓持。雁

塔穿窗出，漁帆逐檻移。飛甍交木末，倒影亂榕絲。吞吐

無三越，浮沉有二儀。基從千仞起，勢似一峯欹。曲折霞

城外，氤氳露井時。自成盤石固，不厭定山卑。北斗爲巖

穴，謂定山七星巖也。

南溟在履綦，暮烟迷浦淑。寒日戀軒墀，爭

宿皆魚翠。叢生是水芝，玲羊繳積雪。滙口欲流澌，氣暖

梅先得。霜輕葉不知，魚浮因霧大。鶯囀以風遲，土稅多

柑口。蠻歌少竹枝，冬乾禾稼喜。歲晏杜蘭悲，甘贖連西

路。桄榔接九疑，蒼梧虞帝冢。錦石陸生祠，海思憑騷賦。

雲愁爲別離，鷓鴣催淚落。蝴蝶與心期，白首閉方始。青

卷六 五言排律

七

山老更宜桑榆休，恨晚吾道有餘師。

至西寧賦贈張大令

一水曲穿林，沿澗信幾深。路從幽鳥問，城向亂雲尋。漸

到絃歌地，遙聞鸞鳳音。政成因孝友，公暇每登臨。孺女

仙靈日，羅人父母心。花重封錦石，月更奏瑤琴。風雅持

當代，神明答所欽。于旌勞見訪，几杖欲求箴。作鱸多葵

經，開屏有孔禽。築臺先郭隗，在幕復陳琳。史氏循良傳

帝家諷諫吟，爲君頻翮管，相和始于今。

奉答林木文瀧水客舍見寄之作

嘉禾風雅盛，梅里更多賢。特起君無敵，環攻我亦堅。才

華同六代倡和得三年屢折芻湖柳類繁鶴渚蓮鶯花  
西子國州兩大夫船橋李芬馨處鱸魚潑刺邊相知惟  
汝少獨立讓誰妍笋比籠葱大雛爭鸞鸞光明堂成大  
玉清廟作朱絃一自參商隔徒教夢寐牽蠶娘悲嫁畢  
浣女畏歌傳白髮重相遇青雲尚未熟草光越驕行  
李苦蠻烟暫作羅旁客閒依鮑觀伯春過分大藥水火  
出炎天陰雨從班管慈雲起錦箋能招徐孺至更使主  
人前畫引龍龕山名坐春留玉枕山名眠孝存名父志忠在  
大人篇莫遣廷臣薦鳴珂便入燕

韓僉憲壽詞

卷六 五言排律

五

南越分三道樞機在嶺西臺門開石室使節出端溪四  
郡歸觀察諸侯待整齊聲華高絳闕文采冠金閨燕喜  
多山雉籠驪罷水犀芙蓉園正啓鸚鵡賦爭題九節蒲  
爲壽三珠樹可栖紛葩公讌曲傳自大銅鞮

嚴灘作

誰佐中興業桐江百尺絲潛籠雖勿用威鳳亦來儀月  
上千峯夕雲生萬壑時那知天子賞適與故人期洗耳  
秋潭冷披裘曉露滋石華閒自拾瓊草可誰貽山鬼豔  
玄豹桐君把翠旗客星光灼燦仙洞路逶迤下視雲臺  
將高爲帝者師論兵嫌呂尚象物得庖羲魚食惟香草

猿飛必上枝空教望鴻羽不使嫉蛾昔舒嘯天風起翅  
丹珠斗移淋莎州樹外何以慰相思

過潘七丈山亭賦贈

舊釀黃花酒新開紫竹亭千杯浮大白五嶽佩真形晚  
日明高樹春雲覆遠汀家傳射雉賦客問養魚經天爵  
懷高尚仙衣拂杳冥襟康悲寡識阮籍笑長醒砌下迴  
溪碧門前疊嶂青款然此塵世誰識少微星

走筆奉答湖州徐蘋村司業見贈之作用元韻

吳興山水地茗雪美無雙有客從天目來遊至海幢海幢  
在廣州 徐陵人望重司業我心降塵藻流金薙雄談倒

卷六 五言掛律 三

玉缸篇奇爭二華句險奪三瀧在樂昌 鳳唳名池教染

龍文鼎許扛才真金馬朔跡豈鹿門龐肯度金芝澗即安

期蕭 還穿石笋石在黃山絕 似安期巖坐應陪麀尾行定刷風鬃

果下蠻奴犢嶺南有果 下擺牛花邊小蛋鞭東尋黃木浦北指

白雲淙城北白雲山有陳 文惠公雲淙別業花汲佗王井巖窺鮑女窓西

番蓮灼灼南漢水洛陽城北有洛陽水為 南漢主泛舟之所霸國餘啼鳥

仙家但吠屨忘歸頻燭秉不寐任鐘撞鄭氏元多酒謂

人鄭 潘家亦有江謂陸上 潘太史賓休辭斗石事可照鄉邦且

葉開芳樹梅葩吐古椿無言偏玉振有道白金攬陸賈

光揚越相如重冉馳風流誰更擅文采世多曉黑白絲

千縷玄黃血一腔祇須簫婉婉更用鼓逢逢陶寫無言  
巨藺膏汨滿釘

春日廣州西郊遠公禪院登樓悵望有作

芳華南漢苑十里半陂塘菱藕家家美槐榕處處涼逢  
師蘭若啓留客素琴張佛日人天喜仙雲殿宇光清齋  
水簟設妙供玉盤將笋嫩新春雨葵肥隔歲霜充蔬兼  
野蕨作政雜蠻薑飯白知粳米茶甘識蔗漿露應天女  
灑酥似雪山嘗一磬鳴空際諸禽下夕陽衆生禪悅食  
童子咒心香戶外稀羅畢畦中足稻梁鶯聲紛出谷蝶  
影亂過牆翻拂多遊騎花衙少牧羊樓端臨雁翅檻外  
俯魚梁山走斜穿海城廻曲抱岡荔枝連北郭菰米接  
西塲藥市棠梨滿花田蔓草長珊瑚番客井茉莉蛋人  
莊一塔從蕭氏雙臺自越王丸泥難割據及土幾興亡  
龍虎爭創益烏鳶啄可傷人頭顱作嶺馬革未還鄉故  
老猶揮涕遺軍尚裹紫乾坤歸糞土邑里逐滄桑惠遠  
詩休紀瞿曇法好忘無心回浩劫有力盡慈航自禮求  
威輦訶林得仲翔教移濠上宅來作灑酒堂猶近東林  
寺閒分大士床無生那用學却老儘餘方衣可笑蓉布  
眼須兩箇房漚鷗還負甃掃拾吏提簪暮止龜室下朝  
行覲浦傍時邀秋水論永遺竹林往置酒成三笑懽娛

正未央

奉題惠州王子干太守羅浮紀遊詩後并以爲

贈

惠陽賢太守公暇事羅浮再作袁宏疏重開鄧岱遊千  
旄先白鹿人吏後青牛主客參雙嶽仙靈至十洲麻姑  
披露冕葛令拂雲裘五色禽時逐三花樹飢留折梅毛  
女潤行藥羽人斤肘腋東西瀑房櫳大小樓燭龍鞭子  
夜水兗洗晴秋水使三千擊峯將四百收蓬萊持一股  
茵苔取雙頭颯蟲靈胡力爐鉅大造愁天心窮釜鑿地  
肺恣雕鏤句出穿霞壁篇驚倒雪流盡傾辭匠巧竟絕  
壯犬謀半月交吟嘯羣賢迭唱酬體裁爭擬射才藻總  
依劉蹀石棋盤設攀羅磴道修平拋夸父杖險用博臺  
鈎雀躍鴻濛喜熊經疾痛瘳烟嵐生翼翊洞府得咽啖  
蝴蝶車輪駕籠篋曲管抽糞香來巨鳥醞酒有靈猴宮  
闕芝華割金銀草汁投頓能餐養壽不必樹忘憂冲舉  
嫌偏早離愁思未鳩經營勞牖戶疆理及河溝廣置春  
香確全膏秀麥疇板穉資灌溉峯容荷綢繆犬吠宵沉  
板豚珠歲滿箐泉源長受福礎石永蒙休玉繫三江帶  
珠懸十縣旒塞帷還象嶺拄笏更龍湫教養姑爲郡循  
良卽拜侯禮加磨鏡數情向抱關優飲御賓恒在柄遲

卷六

五言排律

三

王必搽蘭膏供夕誦和米佐晨羞井竈齊嬰待錢刀義  
季求鸞城頰下搨鱸渚每停舟把響知漁父宋詡識玉  
勾官商千里應清濁一時酬麋鹿鳴芳杜鳧鷖媚碧菰  
甘能珍肝曠苦不棄菰蘆卉木稻舍辨蟲魚陸佃哀枕  
禱隨蔽翳翡翠任啾啾扇繪多么鳳書馱或果驅無防  
終蕙苴有慶始懋弊雉克開長網桑麻廢大蒐條風紛  
鼓舞陰雨重和柔樵悴民經解痲痺已尚妯神明亮至  
道孝友亦嘉猷化燕何煩鮑知魚最是周願垂堂蔭大  
遙鹿桂叢幽梁化吾真羨天私此一州

爲定安董大令壽

卷六 五言排律

三

宓子能爲政當時最少年神明因取友清靜只鳴絃君  
作瓊南令今同單父賢妙齡方十九高弟是三千邑小  
瀆炎海堂虛隱瘴烟乘閒桑柘外折節父兄前魚識河  
魴美禽知么鳳妍檳榔青滿子茉莉綠成錢訟少無三  
木書多有八編勤休星出入清已日流傳及此春秋富  
彌令冰雪堅初升欣旭景爲壽未須筵

賦得搗藥兔長生

三五正團圓人將穴鼻看自居明月腹誰共素蟾寒口  
吐成冰鏡蹄忘在玉盤人間三窟險天上一輪安踞伏

昇平世世昇平本無事不爲有理影霜單三足圓

無死雙蛾與合歡  
踐鳥相接易繞鵲  
欲栖難長跪  
當芳  
柯斜飛向西欄  
顧勤天下免舞  
斷水中鸞玉斧  
修須助  
銀鈎恐不完  
望舒催趨趨  
青女逐姍姍  
早作靈娥  
媵顏  
偷阿母丹仙  
妻那再得  
后羿只長嘆  
藥搗和金粟  
香飄  
勝白檀  
梓疎瓊闕外  
春小桂叢  
端力爲秋暉  
盡聲隨夕  
漏殘露華  
調尚濕  
霞彩暴初乾  
生魄靜  
困汝驚  
精不用  
餐玄黃  
合沆瀣  
照動波  
淵蚌蛤  
教多孕  
蝦蟆使細丸  
光勞神  
媛浴警  
費羽人  
彈皎皎  
歸蓬戶  
泠泠拂石  
壇行  
沿花遠  
近坐到  
斗闕  
干呼吸  
開重暈  
氤氲沁  
五官會  
分  
珠黍許  
服罷振  
霜翰

卷六 五言排律

霜橘

受命生蠻越爲師得楚臣  
甘垂嘉實美鬱作厥苞  
珍噴霧香濡手合霜冷  
侵唇皮令幽菽辣  
瓠使縹膠醇臭味  
炎涼一文章雜糅  
新江南逾酷烈  
淮北卽酸辛  
雕餽當殘臘  
青黃踰早春  
華仍分瓣瓣  
鬱更叠鱗鱗  
核易霑組  
袖渣防濕錦茵  
肺寒猶復嗜  
牙裂不曾舉  
老剛年嘗學  
荒畦日幾巡  
幸生丹荔國  
終守白華身  
果稅非千戶  
場師是一人  
種先山蟻買  
林與荔奴鄰  
四會柑兼植  
增城柚亦真  
橘官知已貴  
花利未全貧  
廣設仙靈井  
長滋道路  
津金瑞朝共  
摘玉案暮同  
陳連理懷多有  
曾枝刺莫

眞張盤休奪子陸績任遺親一顆嗟鞭甚三枚笑墮顛  
方圓傾逐器絺絰覆隨中再熟還潘令雙枝豈蔣神餐  
餘須壓餅方法擬旣聞

蘭花香

寶安香品異黃熟甲南天種子都成結薰蘭更耐煎黍  
珠三葉裏魚子萬花前新摘含膏露多裁出大田乾乘  
朱夏曬濕比素馨鮮一氣歸丹冉同心作紫烟頻疑金  
粟吐絕勝水沅然臭味氣氲合清和鬱滯宣命長凝木  
火神早見山川作好須貽女驚精不用仙隔施雲母片  
灰隱瀉心錢馬尾絲絲滲鴉鴉點點妍囹圄隨大小斧

卷六 五言排律

言

鑿稍方圓習靜惟宜此忘機不是禪心空多病日根老  
半生年金桔都如石朱砂不及泉肥磽農圃力灌漑子  
孫賢九畹桑麻外千林井里邊太陽持盛實炎德矢貞  
堅服媚同王者旃檀莫並肩

金桔地名其土乾燥多朱砂管最產佳香質堅如石

屈翁山詩集卷第六

